

類取依符宣抄

從七至十

庫文官政太			
八	一〇	和	書門
九四			
二	九〇八		
冊	架	函	號類

庫文閣内			
七九	八〇	和	書
函	四		
一	冊	二	號類
架			

内閣文庫			
番號	和	8048	
冊數	2 (2)		
函號	179	56	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak 2007 TM Kodak



糊などで貼り付けられている部分がめくれない箇所あり
綴じ部(喉部分)の文字など開きが不鮮明な箇所あり

元書院
圖書記

南宮

類聚符宣抄第七

式部丞依著座恪勤預爵事

付殿上人

以殿上今日加本省

官外記廳直抄符史生可任內官事

付非廳抄勤勞史生可任外國

補抄符廳直文殿史生使部等事

補官掌事

定所々別當勾當預事

付親王家別當并裝束使

侍從所々監事

補後院藏人事

檢非違使事

付諸國并追捕使押領使

國掌牧監

改姓事

改名事

諸長上事

批文師事

類聚符宣抄第七

補石灰木工修理職長上事

補大膳官人代事

補勘解由史生事

改內豎官人代為執事事

諸國一令事付公卿給

任諸國郡司事付式部并本國申請

國拙事

給大宰帥僊仗隨身事

依著座恪勤預爵事依上日給奏附出

式部省

請被當省之丞不依拜任次第依著座恪勤預中榮

爵狀

右謹檢案內項年之例除自以後依無著座之官人動擁恒年之公事大少之丞四負不闕著座之輩一人無聞職負雖具廳座尚空旬月多移歲年自隔爰諸道得業生等雖滿七年之限難歷一度之試又擬文章生者每年有奉春秋之試明為朝典載在式條然而二三箇年之間纔所行者一度也是以成業之

類聚名實抄卷七

部少丞正六位上藤原朝臣雅材紀朝臣文利等去年閏十二月廿五日奏狀云請以每月殿上上日被下本省狀謹檢案內任諸司候殿上之者皆以殿上上日下加於本司而此省丞獨不勞申下是則不勤上日不受省奏偏依年勞次第等預叙位之故也而今任省申請之旨始自去年只依上日之優劣有定給奏之先後雅材等須日夕罷向致其勤績而或候御物忌或忽有兼行如此之時不能赴省但至於陣頭給宣旨等其役已繁然則奉公之勤雖多叅省之日自少望請天裁始從拜省官之日以每月殿上上

日被下於省將致勤績者又應和元年八月五日下午彼省宣旨云省奏云當省之丞依著座恪勤將預榮爵者可依奏行之但叙位之奏者定大丞之中轉任之奏者定少丞之中大小之間不得相混者依奏狀尋事情依著座恪勤預叙位轉任之旨雖無先例省奏所下也今依恪勤之優劣定省奏之先後然則已謂恪勤盡用上日文利等所申理誠可然須始從任省丞之日以殿上每月上日加載本省上日又後年若有候殿上之輩同准此例者宜仰彼省者

應和四年三月五日大外記兼稅權助備後次御船寮傳說奉

被大納言正三位源朝臣雅信宣稱奉勅式部大丞藤原貴清同知章等互有愁申宜仰彼省令勘申貴清等著座上日等者

貞元二年正月五日大外記兼備前次藏朝臣弼邦奉

即日仰大錄大春日弘辰了

左右并官史生可任内官事

應太政官并左右并官廳直抄符史生等依其勤

功成績永改年官外國拜任内官主典事

右得太政官去四月十四日奏狀稱謹檢案内當局史生十一人之内見任九人其殘二人自去永延元

年依無所望之人于今不被補任謹案職負令史生十人掌繕寫公文行署文案者所職之重已異他所就中所成之印文二百張以上三百張以下或連日不絕或隔一兩日其所書寫之長案猥積如山方今件長案日記等先寫注草案預史生等為致功績以私紙清書納於文殿永備後鑒土代清書之役暫無可休爰大外記中原朝臣致時拜任之後搜尋局中文書以往文簿或以破損或紛失所遺不幾何況寬和二年以後長案日記等無有其實尋問由緒史生等申云空疲十余年之勤勞僅拜最亡國之二分適

勵隨分_レ之節雖仰採擢之仁年齡已傾朝恩難及見
任之者弥倦於前途未達之輩無進於當局仍年來
之間自所緩怠也若逢恩賞何無其勤者可申雖乘
故實其旨又以可然抑局中文書每有朝議已備據
勘尤為要湏而偏倦出身之眇焉更忘奉公之忠節
縱責彼怠何無優恕重見傍例稱諸司官人代者依
本司請奏悉以轉任已無奔營之勤唯為昇進之媒
至于當局史生所職有限其勤揭焉是以不經外任
直任內官之者已以居多近則漢部長實寬和二年
八月任中務少錄大春日晴遠天元四年正月任主

殿少屬但波惟貞天祿四年三月任中務少錄肥田
維延同三年閏二月任隼人令史等是也縱雖無先
蹤尤可有時議何況於有例哉然則停所給外國被
改任內官公家新施鴻慈之恩局中長遂鶴望之志
望請特蒙天恩被下宣旨改年官外國永被任內官
主典傳之於來業俾知勤公之貴者右大弁藤原朝
臣在國傳宣左大臣雅信宣奉勅依請左右弁官廳直
抄符史生等勤功成績之輩宜准此者

永延三年五月十七日左大臣兼備中權亮春日朝臣良辰奉
應左右史生等廳直抄符勤功成績者并年勞次

第輩拜任内外官主典事
 右太政官并左右并官廳直抄符史生等依其勤功
 停任外國可永拜任内官主典之由去永延三年五
 月十七日下宣旨已了而廳直抄符者不必一勞其
 外史生年勞已積給官無期叅議左大并平朝臣惟
 仲傳宣右大臣顯光宣奉勅宜左右史生等給官之時
 任年勞次第廳直抄符者依勤功拜内官主典年勞
 恪勤之輩依次第任外國二分者
 長德二年正月廿三日左大史兼和泉守多米朝臣國平奉
 補抄符廳直文殿等史生使部事

左史生磯部為松
 叅議左大并藤原大志輔夫宣左抄符預史生勝有統遷
 任大舍人少屬之替以件為松宜補之者
 長保元年二月五日左大史多米朝臣國平奉
 右史生酒部真信
 叅議左大并大江齊光夫宣右廳直史生矢田部清正
 遷任皇大右宮少屬之替以件真信宜補廳直者
 寬和二年七月五日左大史大春日朝臣良辰奉
 左史生物部興平
 左大并藤原大為輔夫宣左抄符預史生錦繁昌遷任但

類聚新宣抄卷七

馬權大目之替以件興平宜補之者

永觀三年四月一日左大史大春日朝臣良辰奉

直丁從八位上磯部臣安茂寬和二年九月廿八日

左大弁大江大夫宣右文殿使部錦正平死闕之替

宜以件安茂補之者

寬味二年九月廿九日左大史大春日朝臣良辰奉

左大弁藤原大夫宣以厨家案主民懷土宜加寄於

文殿永令勤仕其役者

永觀三年正月十三日左大史大春日朝臣奉

左大弁藤原大夫宣厨家案主村主正利宜准民懷

土例令兼仕文殿役者

永延二年五月十六日左大史大春日朝臣奉

左大弁藤原大夫宣以厨家案主淡海安延宜如舊

加寄於文殿永令勤仕其役者

永延三年五月廿一日左大史大春日朝臣奉

左文殿使部河内廣延

右定厨家案主淡海安延拜任大膳少屬之替

正曆二年五月二日

判

左大史多米朝臣

左大弁源大夫宣厨家案主真髮部常景宜准民懷
土例如舊令兼任文殿改使部錦光貴辞退之替者
長德二年十一月廿六日左大史兼和泉守多米朝臣奉
參議左大弁平大夫宣右文殿使部大鹿善忠死去
替宜以下宿直使部大鹿友忠補之者

長德元年十二月廿八日左少史物部宿祢邦忠奉

補官掌事

右官掌竿部保理

右轉補左官掌尾張利茂死闕替

右官掌伴友成

右轉補左官掌紀貞清死闕替

宗我部秋時

右補右官掌竿部保理轉左替

大秦吉理

右補右官掌伴友成轉左替

參議左大弁源朝臣道方傳宣左大臣宣官掌等宜

依件補任之者

長和四年十一月十二日左大史但波朝臣

定所々別當勾當預事

右大臣宣以民部少輔從五位上藤原朝臣管雄為

長和四年十一月十二日

施藥院別當者

貞觀二年五月廿九日少外記廣宗安人奉

右大臣宣令施藥院別當大外記廣宗安人知宗親

院事者

貞觀五年五月廿六日少外記御室安常奉

大外記小野朝臣文義

左中弁藤原朝臣經通傳宣左大臣宣件人宜為施

藥院別當者

長和五年五月廿八日左大史但波朝臣奉親奉

太政官符侍從厨

右少弁紀朝臣泚光

右右大臣宣件人宜補前別當左少弁橘朝臣公賴

遷任近江權守之替者厨宜兼知依宣行之符到奉

行式中北中藤原朝臣扶幹從五行在大史管乃朝臣清方

從符常并兼山城守藤原朝臣扶幹從五行在大史管乃朝臣清方

東延喜十九年四月十七日

式十生蔭孫正七位下多朝臣安邑

右被右大臣宣傳奉勅件人依大歌所申請補別

當多安邑任河内大掾之替已了宜仰彼所者生近

江門雄

頁...

仁和元年二月廿五日大外記高丘五常奉

大藏大丞藤原命世之替子宜中亦宣中亦宣中亦

大錄民保晴亦宣中亦宣中亦

左中弁源朝臣保光傳宣左大臣高明宣件等人宜為天

宰府康保三年貢調物勾當者

康保四年十二月廿一日左大史物部宿祢安國奉

權左中弁藤原朝臣懷忠傳宣左大臣雅信宣中監物藤

原相成宜如舊為長殿勾當職者

天保三年十一月廿八日右大史內藏佐忠奉

應以主計權少屬川瀨保平為稟院長殿勾當令

檢納諸國可進雜物事

右得左大史大春日朝臣良辰去二月十四日解稱

良辰依有蹤跡兼任稟院長殿別當謹檢案内出納

官物之勤監物只知當日之事主計永有終始之弁

方今依諸司之度手依事之緩怠必無定日只依見

叅成其日事爰諸國之吏勘濟公文之日本司稱無

察新之返抄更致勘會之煩誠違朝章之怠雖在度

手之人國宰相憚緣事之替失還致申宣旨之煩彼

知當日事之監物猶被定其人况勤終始弁之主計

何不置其人哉望請被下宣旨准監物例永以主計

類聚不宣抄第七

察官一人被定給件等諸司之度乎即令其人并
察新之返抄將省國軍申宣旨之煩者右大弁大江
朝臣齊光傳宣左大臣宣宜^{雅信}以件保平為^中勾當令勤
仕者

天元三年四月七日右大史牟久忠陳奉

民部大錄多惟時奉四月十七日

大藏少錄大原連松奉四月廿日

大藏少丞藤原以實

少錄民千尋

右少弁藤原朝臣懷遠傳宣左大臣宣件等人宜為

大宰府進納天元元年貢調物勾當者

天元四年二月七日左大史大春日朝臣良辰奉

少輔藤原朝臣惟憲

左大史小槻宿祢奉親仰云參議右大弁源朝臣扶

義傳宣右大臣宣奉^{顯光}勅權大南藤原朝臣貞潔不

從事之間宜令^中件人行省事者

長德二年六月十五日大錄大秦連雅奉

右大弁源朝臣扶義傳宣右大臣宣奉勅大膳少

屬大友忠節宜永為^中職納諸國調庸交易雜物之勾

當大夫紀朝臣時文共令^上并行之者

長德二年六月廿五日右大史物部邦忠奉

右大弁平朝臣惟仲傳宣權中納言源朝臣伊涉宣

奉勅依大膳大属川原兼之去年十二月廿八日

奏狀准有時例以件兼之_下為諸國進納彼職調庸

交易雜物年新_上勾當大夫紀朝臣時文相加檢臨令

并行其合期見上之事者

正曆三年二月三日左大史多米朝臣國平奉

右少弁菅原朝臣輔正傳宣大納言源朝臣兼明宣

奉勅依大膳職去正月廿七日奏狀以少属秦有

時_下宜為諸國進納彼職調庸交易雜物年新_上勾當大

夫源朝臣治相加檢鑒令并行其合期見上之事者

安和二年二月廿九日右少史大春日良辰奉

大膳權少属上藤枝

左中弁藤原朝臣文範傳宣左大臣_{實賴}宣件人宜為彼

職率分勾當者

康保二年二月廿三日左大史海薰仲奉

權左中弁藤原朝臣為輔傳宣左大臣_{師尹}宣大膳亮宮

道時忠宜如舊為供御所并醬院勾當者

安和二年六月廿五日左大史吉志公胤_{道長}奉

右少弁藤原朝臣廣業傳宣左大臣_{道長}宣大炊寮供御

院預儀部滿利讓替宜永以儀部滿輔補之者

寬弘七年正月廿七日右少史竹田宣理奉

親王別當

從二位行權中納言兼中宮大夫右衛門督藤原朝臣齊信

左中弁源朝臣道方傳宣左大臣宣奉 勅件人宜

為今上敦成親王家別當者

寬弘五年十月十六日左大史小槻宿祢奉親奉

正二位行權大納言藤原朝臣行成件宣旨尋先例不見只可宣可仰其人欽行禱祭事之由以口

權左中弁源朝臣賴賴傳宣左大臣宣奉 勅件人

宜為賀茂齊院別當者

治安元年十月廿八日左大史小槻宿祢貞行奉

左中弁藤原朝臣懷忠

左少弁藤原朝臣惟成傳宣中納言藤原朝臣濟時

宣奉 勅件人宜為賀茂齊院別當者

天元五年四月五日左大史大春日朝臣良辰奉

裝束使

左中弁藤原朝臣朝經

右大弁源朝臣道方傳宣顯光右大臣宣奉 勅件人宜

為裝束使者

寬弘六年三月廿三日左大史小槻宿祢奉親奉

右史生上村主重基朝經

參議左大弁藤原大夫宣裝東所左史生佐伯正政

遷任右京少屬之替以件重基宜為彼所史生者

治安元年十一月九日左大史但波朝臣

奉

侍從所々監事

散位從五位下藤原朝臣賴信

右關白左大臣宣宜令件人檢領侍從所雜事者

長元二年五月七日少納言兼侍從源朝臣

奉

後院藏人事

正六位上行主水令史清原真人清松

參議左大弁源朝臣道方傳宣左大臣宣奉道長勅後

院藏人大膳少屬大秦良信不仕之替宜補之者

長和三年十二月廿八日左少史上道行忠奉

主水令史清原清松

權左中弁源朝臣經賴傳宣大納言藤原朝臣齊信

宣奉勅件人宜為後院藏人者

治安三年九月十日左少史大宅恒則奉

檢非違使付諸國

太政官符左衛門府兼知下彈正左馬寮外印

正六位上行少尉平朝臣中方

正六位上行少志惟宗朝臣博愛

右左大臣宣奉 勅件人等宜為檢非違使者府宜

兼知依宣行之符到奉行

左大弁忠輔 左大史

長保三年二月三日

諸國檢非違使

太政官符大和國司 外

從八位上伴宿祢公扶

右從三位守大納言源朝臣高明宣奉 勅件人宜

補彼國檢非違使者國宜兼知依宣行之其公廨准

一分給之符到奉行

右大弁有相 左大史

天曆八年二月廿三日

追捕使

太政官符紀伊國司

應以前土左掾正六位上御春朝臣聰高補任追

捕使事

右得彼國去年十一月廿八日解狀稱謹檢案內此

間山海之間寇賊聯綿奸類伺隙爰為追捕使之者

雖有其數或據鞍之力難堪或汗馬之勞失便今件

聰高夙傳弓馬之能充足警急之備望請官裁早被
補任件職將為扞城之便者正三位行中納言源朝
臣保光宣依請者國宜兼知依宣行之符到奉行
左少弁信順 右少史

正曆三年十月廿八日

押領使 外
太政官符陸奧國司

應以下正六位上平朝臣八生補任押領使職事
右得彼國去長保五年三月十日解狀備謹檢案內
此國北接蠻夷南兼中國奸犯之者動以劫盜仍試

以件八生為國押領使令行追捕事凶賊漸以刊跡
部內自以肅清見其勤公寔足採用抑八生故武藏
守從五位上平朝臣公雅弟同公基男也門風所扇
雄武拔群望請官裁以件八生被補任押領使將勵
翹勇之心弥領狼戾之俗者從二位行權中納言兼
中宮大夫右衛門督藤原朝臣齊信宣依請者國宜
兼知依宣行之符到奉行
右少弁廣業 左少史

寬弘三年三月九日

國堂

類聚宣抄第七

太政官符備前國司 外

應補國掌從七位上村上連吉里事

右得彼國去年正月十九日解備謹檢案内件吉里

才操越倫通傳致礼曰茲擬補國掌職者中納言從

三位兼行左衛門督源朝臣高明宣依請者國宜兼

知依宣行之符到奉行

左少弁 左大史

年月日

牧監

太政官符信濃國司 外

正六位上藤原朝臣有邦

右左大臣宣奉 勅件人宜補任勅旨諸牧牧監紀

高雅之替者國宜兼知依宣行之符到奉行

左中弁 左大史

長保二年二月二日

宸手

太政官符大宰府 外 實奉 勅

右近衛從七位上川邊宿祢忠保

右權大納言正三位兼行右近衛大將春宮大夫藤

原朝臣師尹宣前宸手佐伯豐興之替定件忠保者

府宜承知依宣行之路次之國名宜准此符到奉行
從四位上行左中弁兼内蔵頭藤原朝臣文範左大史宣大史

應和二年八月廿二日

采女

太政官符民部宮内兩省

外采女

應補采女大和安子年廿七

城下郡賀美郷戸主大和宿祢定道戸口

右得大和國去天慶九年八月廿五日解備采女大

和真子解備真子奉仕公庭卅四箇年漸及八十難

堪進退今件安子正為已姪始從少年相從老身年

齒強壯情操謹慎加之已為譜第尤堪其職望請早

被言上以已所帶職讓與安子令勤奉公者國加覆

審所申不虛望請被補真子辭退之替者右大臣宣

奉勅依請者省宜承知依宣行之符到奉行

右中弁有相

左少史

天曆元年十二月廿八日

仕丁仕女

太政官符民部省

應點貢仕丁仕女等事

大替仕丁仕陸佰玖拾陸人

大替仕女玖拾壹人

右得彼省去去年四月廿六日解備謹檢案内来年當
大替仍可點貢之狀依例申送如件者從二位行權
大納言兼右近衛大將春宮大夫陸奥出羽按察使
藤原朝臣師于宣依請者省宜兼知依宣行之符到
奉行

參議左大弁從四位藤原朝臣 外從五位下行左大史物部宿祢

康保二年閏八月二日

改姓

太政官符民部省

應改姓名左少史正六位上錦宿祢時佐事

男十三人 本貫左京三条三坊

女五人

今請三善朝臣姓

右得時佐去二月二日解備謹檢舊記時佐之先出
自漢東海王之後波能志譽田天皇御世隨葛木襲
津彦歸化大鷦鷯天皇御世隨居地賜名錦織姓三
善朝臣枝葉雖異本源是同謹檢先例外記官吏主
計主稅之助改姓之者古今尤多近則右少史高安
連佐忠給内藏朝臣姓右大史川瀬連保基紀朝臣
姓大外記御船宿祢傳說菅野朝臣姓主計助山前

連義忠賜伴宿祢姓主祝助錦宿祢茂明三善朝臣
 姓等是也自余之例不可勝計加以去延喜五年十
 二月廿九日宣旨偪改居姓濫有申請自今以後外
 記史諸道博士主計主稅助左右近衛將監之外所
 進申文不得執申者時佐適以愚昧之身幸忝所許
 之職望請殊蒙官裁賴忠回准先例被給三善朝臣姓將
 仰奉公之貴者左大臣宣奉賴忠勅依請者省宜兼知
 依宣行之符到奉行
 左少弁
 左大史

貞元二年五月十日

改名

太政官符式部民部兩省

外

應改名字筑前權守從五位上藤原朝臣成周事

今請改周字為房字

右得成周今月二日奏狀偪謹檢史籍件周字音訓
 所說左右多疑若不相改者恐有所悔乎望請天恩
 回准傍例早停稱周之有疑將給為房之無悔者右
 大臣宣奉顯光勅依請者省宜兼知依宣行之符到奉
 行

權左中弁
左大史

長德二年六月十七日

諸長上等事

太政官符式部省外物部長上

應補才伎長上從六位下右近衛米錦連德常事

悉盡蕭

右得治部省去三月廿七日解備雅樂寮去天德四

年二月廿八日解備件人課試練身才尤堪為師仍

蕭師船木洪範轉任唐儻師之替以件德常所請如

件者省依解狀言上如件者從二位行大納言兼中

宮大夫陸奧出羽按察使源朝臣高明宣依請者省

宜兼知依宣行之符到奉行

權左中弁右少史

式大應和二年九月八日式大史

太政官符式部省兼知下國外

宣應補任造色紙長上從七位上阿曇兼遠事

右得圖書寮去八月廿一日解備美濃國今年四月

廿一日解備云々者大納言正三位兼行中宮大夫

藤原朝臣顯忠宣奉代勅依請者省宜兼知依宣行

之符到奉行

左大弁朝綱右大史

頁及字宜少為

天曆五年九月十日

挑文師奉

太政官符式部省

從七位下大宅臣安直言五三出集林中宮大夫

右大納言正三位兼行左近衛大将藤原朝臣忠平

宣件人宜補權挑文師若湯坐家恒死闕之替者省

宜承知依宣行符到奉行

左大弁澄清左少史

延喜十三年十一月十日

太政官符式部省

應補長上三人事

從七位上公連氏吉

長上額田吉村轉任權少丞替

從七位上清世吉世

輾轡長上品治豐連死闕替

從七位上新連近助

長上紀助吉死闕替

右得修理職去七月廿七日解備件氏吉等才能頗

長年勞又積仍可被補長上如件望請官裁被補件

闕將勵從進者正三位行中納言兼春宮大夫左衛

門督藤原朝臣師氏宣依請者省宜承知依宣行之
符到奉行輔正權右少弁輔正左大史輔正

康保四年十月十四日

太政官符式部省

應補修理職燒石灰長上從八位下清宗宿祢忠

孝事

右得彼職去四月廿八日解備謹檢案内清宗氏秀
以石灰長上之勞去年被任山城權少目自尔以降
依無其人動闕其用方今件忠孝是氏秀之男也箕

裘繼業職掌可堪不舉若人誰練其道望請以件忠
孝被補師輔氏秀之替將令勤石灰之事者右大臣宣依
請者省宜承知依宣行之符到奉行

右少弁藤原朝臣國光 左少史栗前宿祢扶茂

天曆四年九月廿三日

太政官符式部省

應補木工長上弓削清茂死闕替事

工長從七位上秦忌寸正平正平去天祿三
右得宮内省解備木工寮解備件正平從去天祿三
年以來不懈恪勤無倦造作况乎急才能充足為長

類聚名宣抄第七
三十四

上職也望請省裁早被言上於官補任清茂死闕所
將知勞績不朽彌致忠節者中納言從三位兼行中
宮大夫平朝臣惟仲宣依請者省宜承知依宣行之
符到奉行

左中弁高階朝臣信順 右大史美麻那宿祢

長保元年閏三月廿一日

正曆二年十月八日南申文權中納言 左中弁扶義

修理職申請清世吉光土師吉富等補任長上
事依請

右少史安茂忠

大膳官人代事

左中弁藤原朝臣在國傳宣左大臣宣正六位上雅信 穴

太村主道忠宜為大膳職官人代者

永延二年四月十二日左大史多米宿祢國平奉

勘解由史生事

右中弁源朝臣公忠傳宣中納言藤原朝臣實賴宣

山邊滋藤宜補任勘解由使史生船恒滿死闕之替

者

天慶二年閏七月廿五日左大史尾張宿祢言鑒奉

右中弁藤原朝臣佐忠傳宣中納言藤原朝臣師氏

宣勘解由使申請以從七位上上道公友木宜補任
同使史生勝治邦無故不上替者

應和三年二月廿七日右大史粟田

勘解由使

從六位上宗形臣秀友

右史生從七位上上道公安木死去之替所請如件

天祿元年八月十九日正西位下行長官藤原朝臣

從五位上守右少弁藤原朝臣雅材傳宣中納言從

三位源朝臣延光宣以宗形秀友宜補任勘解由史

生上道安木死闕替

右少史坂本亮直印

同年十二月廿一日大錄雀部有信奉

改官人代為執事

內豎所

請重蒙 處分曰准進物所校書殿等例改官人

代号为執事職狀

右謹檢案內件所頭官人代各六員也其号雖異勤
公是同供奉節會勤仕殿上役又臨時奉藏人所仰
趨陣頭官中之名如此之勤曾無差別而諸司往往
以雜色人等私号官人代彼此雖異名号一同仍不
案事情之輩以為卑賤之職於是競進之輩漸稀繁

劇之勤殆闕方今所在官人代内蔵遠兼村主實茂
頃月依有身病不勤見仕遠兼獨兼仕厨家并日給
事一身之勤已在兩端雜役繁多之間公事可怠是
依人之不進職之不滿也且茲注其由言上先了重
望特蒙鴻恩回准進物所按書殿等例改官人代号
為執事職然則出任之人勵勤王之節拜官之輩知
奉公之貴仍勒事狀謹請處分

承平六年四月三日官人代村主

内蔵遠兼

頭上毛野公房

内蔵

橘忠胤

嶋田公忠

惟原保尚

別當中納言兼民部卿中宮大夫平朝臣伊望宣奉
勅依請者
大長部新四郎下宣吉地木兼并前
奉行
同年閏十一月十一日別當大蔵大丞吉野滋春奉
別當左近衛少將源朝臣當季

為備勘例所寫留也

諸國一分事付公卿給

左近權將監正六位上石野連善根誠恐誠惶謹言

請特蒙天恩准傍例被下宣旨如本兼任備前

右謹檢案内善根為將曹之間依恪勤之勞以去應

和二年十二月兼任件國史生以同三年二月給官

符也爰以今年三月廿七日轉任權將監方今謹案

傍例為將曹府生之間兼任諸國史生之輩轉任將

監將曹之後皆被下宣旨如本兼任蹤跡無絕望請

特蒙天恩被下宣旨如本兼任將知奉公之貴弥

盡忠節之誠善根誠恐誠惶謹言

康保元年九月十五日左近衛權將監正六位上石野連善根

從二位行大納言源朝臣高明宣奉勅左近衛權

將監石野善根兼任備前史生宜如本兼任

康保元年十二月四日大丞紀

中納言橘朝臣

當年給一分補他色

天祿元年十二月廿二日

正三位行中納言源朝臣雅信宣奉

勅中納言橘

好古卿當年給一分宜補他色

天祿元年十二月廿二日少丞清原佐時

諸國郡司事本國并式部申請

從八位下刑部宿祢福秀但馬國美含郡人

望當郡少領刑部福保補任之後經年不附考帳替

右并官給之政帳廿一人內維則任官吏之時去兼

平六七兩年給高晴同七年給三合之代以件福秀

所請如件兼被免無譜之責謹言

天慶二年五月廿二日大外記坂上高晴

大隅守善道朝臣維則

中納言從三位藤原朝臣師輔宣奉 勅大隅守善

道朝臣維則任官吏之時去兼平六七兩年并官給

大外記坂上高晴同七年給未補之代三合以刑部

福秀宜補任但馬國美含郡少領刑部福保補任之

後經年不附考帳替兼免無譜之責

天慶二年十二月廿七日少丞
時奉

式部省

日丁小田臣豐卿備中國小田郡人

望當郡大領小田遂津考解之替

右去延喜廿一年造省新一分代以兼原直生去天

慶三年五月申補出雲督師而不給任符秩滿仍停
彼宣旨以件豐卿改所請如件

天曆八年七月廿二日

權中納言從三位源朝臣兼明宣奉 勅停去延喜

廿一年造省新一分代出雲督師兼原直生宣旨宜

以小田豐卿改任備中國小田郡大領小田遂津考解替

同年十二月廿九日大丞藤原懷忠奉

攝津國司解 申重請 官裁事

請被以前鎮守府軍曹正六位上津守宿祢茂連

補任管住吉郡大領死關狀

右件茂連越次被補件貫茂死關之狀言上早了而
未蒙裁許郡務多擁今件茂連譜弟正胤奕世門地
試用擬任性識清廉足為郡領謹案格條詮擬郡司
一依國定者重望請 官裁以件茂連越次被補任
件郡大領職將令勤郡務仍錄事狀謹請 官裁謹
解

天德三年四月五日 從七位上行六人部宿祢是興

守從五位下藤原朝臣安親

正三位行中納言藤原朝臣師尹宣奉 勅前鎮守

府軍曹津守茂連依國解文宜越次補任攝津國住

吉郡大領津守貫茂死闕之替^上

同年十一月十四日大丞大江齊光奉

尾張國司解申請官裁事

請被^下以散位正六位上尾張宿祢是種越次補任

管海部郡大領外從八位上尾張宿祢常村死

闕替狀^上

右謹檢案內件郡大領常村其身死去爰郡務繁多
從事人少國宰之煩莫不因斯就中件郡部內廣遠
輸貢多數誠雖有少領尾張惟平而天性尪弱不堪
貫領若大領非其人恐致彫弊欵今件是種譜弟正

胤奕代門地仍頃年之間試用擬任性識清廉庶
推服不舉若人何勵後輩謹案格條郡司之選一依
國定者重檢故實諸國主典已上散位之輩越次一
度補任大領之職蹤跡已存望請官裁以件是種
越次被補任大領常村死闕之替將令勤郡務仍注
事狀謹解

應和三年八月廿一日正六位上行大目氷朝臣

從五位上行守藤原朝臣守平

從二位行大納言源朝臣高明宣奉勅以散位尾

張是種越次宜補任尾張國海部郡大領尾張常村

死闕替

同年十二月廿七日藤原雅材奉

美濃國司解申請官裁事

請被以前出羽權大目正六位上各務勝利宗越

次補任管各務郡大領秦良實死闕替狀

右謹檢案内件郡大領良實以去月十一日其身死

去方今件郡調庸租稅多勝他郡并濟輸貢常有事

煩少領雖存其身受性厄弱臨事面墻衰老殊甚已

拙公務若大領非其人者恐致雜務之擁滯今件利

宗譜弟正胤累代門地爰身雖任他國之主典猶有

迴堵之志為百姓之父母仍年來之間試用擬任天

性清廉民庶推服郡領之任尤在件人謹按格條郡

司之選一依國定者譜弟之輩拜任諸國主典已上

之後依國解文越次補任大領之例不可勝計望請

官裁目准傍例以件利宗越次被補任大領良實死

闕之替弥令濟郡務仍錄事狀謹解

康保二年二月十七日正六位上行大目上宅朝臣公光

正五位下行守高階真人良應

從四位上行左中并源朝臣保光傳宣左大臣宣奉

勅以前出羽權大目各務利宗宜依國解文越次補

任美濃國各務郡大領秦良實死闕之替左少史坂合部以方仰

紀伊國司解_下申請_中官裁事

請被_下以從七位上紀宿祢時忠補任名草郡少領

職狀

右得名草郡少領紀今樹去五月十三日解狀備今樹為繼祖業勤仕當職而前司藤原為光朝臣被申補內膳司御厨別當職之日無被免郡司之職謹按事情御厨司不論晝夜備進供御非可追他事而兼役國務之間動致闕怠且茲本司之責逐日不絕郡

務之營時而無休而役之勤一身何堪望請國裁以弟時忠被申補件少領職令勤郡務至于今樹之職被免除勤仕供御事者言上如件望請官裁以件時忠被補少領之職將從郡務今勒事狀謹解

康保五年六月廿九日正六位上行大目文宿祢

守從五位下紀朝臣

右大臣宣奉勅以紀時忠依國解文宜補任紀伊

國名草郡少領紀今樹辭退替

同年七月廿一日少丞藤原雅賴奉

讚岐國司解申言上銓擬郡司事

請被_下以散位正六位上伴良田連定信越次補任
管多度郡大領外從七位上伴良田連宗定死
闕替狀

右件郡大領宗定今年四月十二日其身死去爰郡
務繁多從事人少國宰之煩莫不由斯就中件郡部
內廣遠官物巨多若大領非其人恐雜務擁滯今件
定信擬任年久撫育有方推其才幹充足郡領謹案
格條銓擬郡司一依國定者望請以件定信被越次
補任大領宗定死闕之替將勤郡務仍錄事狀謹解
貞元二年六月廿五日正六位上行大目物部宿祢

正五位下行民部權少甫兼權介源朝臣

式部省

散位正六位上伴良田連定信

望讚岐國多度郡大領伴良田連宗定死闕替

副國
解文

右去年厨家新一分代以件定信越次可被補任之

狀所請如件

貞元三年三月廿七日少錄奏

大丞橘泚信

正三位行權中納言藤原朝臣濟時宣奉 勅省去

年厨家新一分未補代以散位伴定信越次宜補任
讚岐國多度郡大領伴宗貞死闕之替

同年九月七日大丞橘

奉

太政官符伊豆國司

内他同之

田方郡少領外從七位上伊豆直厚正

右去五月九日補任如件國宜兼知依例任用符到

奉行

并

永延二年閏五月十九日

太政官符恭河國司

内印

八名郡主帳外從八位上若竿部首統忠

外初位下恭河
吉種考解替

右去年二月十三日補任如件國宜兼知依例任用

符到奉行

并

史

永延二年七月廿三日

太政官符尾張國司

丹羽郡大領外正六位上掠橋宿祢惟清

右去年十二月卅日補任如件國宜兼知依例任用

符到奉行

正五位行左中并藤原朝臣

經輔

正五位行左太史兼主計權助規宿祢

長元四年二月廿三日

國栖事

民部封戸所

勘大和國國栖丁十五畑事

右檢去天曆三年文簿所注如件但至于戸田者引

勘年々圖帳無所見仍勘申

寛仁二年十一月十日少録尾張如親

少丞菅原明任

太政官符山城國司

應免除國栖笛工山城是行同真生等徭役并戸

田正稅事

綴喜郡鳴郷戸主山城田村戸口戸田二町百十步

右得宮内省去六月廿日解備國栖別當國栖茂則

解狀備笛工山城是行等解狀備謹尋事情笛工是

憲依式奉仕者也回茲古昔氏人等預仕件職之中

更不進徭役又無付徵各戸田正稅爰貴朝恩之厚

不懈怠職掌而年来國郡司差負徭役并付徵正稅

然則勤公之勞舊迹已絕可倦職掌重檢傍例故國

栖別當國栖忠定以天慶七年申下官符被免除戸

十五畑正稅今是行等勤仕職掌多年已積時節供

美野末室才身十

三十一

奉不似傍倫望請被言上於省曰准忠定之例被免
 戶田正稅兼除徭役者今錄事狀謹請省裁者省依
 解狀檢案内是行等供奉無怠勤苦年久望請官裁
 被下符於在國免除件徭役正稅令勤職掌者中納
 言從三位兼行民部卿藤原朝臣元方宣宜仰國宰
 令免除件等責者國宜兼知依宣行之符到奉行
 左少弁橘朝臣^{長計}等右少史^{井直}計等
 天曆二年八月廿日
 太政官符大和國司^{主山}田林^口田^西百^十
 應早免除國栖戶十五畑内田九町正稅事

右得宮内省去年十二月三日解偪國栖別當茂則
 解狀偪茂則等奉數代朝于今五十八箇年每年七
 節御贄供奉無闕爰蒙朝恩不知雜役而年来當郡
 司付負各戶田正稅勘責尤甚曰之注事由愁申省
 底省言上於官爰天慶七年可免除國栖戶十五畑
 正稅之由官符下彼國了而彼時守高階真人師尚
 免十三町三段正稅不免遺田九町余步正稅於是
 茂則等注事由經愁之日稱可裁免之由送日之間
 秩滿去任厥後新司守藤原忠幹臨境之時重以愁
 申而稱非當任事于今未裁免然則國栖等恐國務

頂受符宣少高

三十一

繁多各可逖散望請省裁早被言上任先官符被免
遺田九町余步正稅者省檢案內背官符不容免是
宰吏之所違失也望請日官裁重被下符於彼國免
除件正稅者中納言從三位兼行陸奥出羽按察使
藤原朝臣在衡宣宜仰彼國任先官符免除件田九
町正稅令勤供御者國宜兼知依宣行之符到奉行
左少弁橘朝臣右少史御立宿祢

天曆三年正月廿七日

大宰帥儀仗隨身事
太政官符式部省

應給儀仗捌人事

正六位上菅野朝臣邦隨
正六位上菅乃朝臣通利
正六位上中臣朝臣延親
正六位上石作朝臣真親
正六位上多治朝臣盛文
正六位上竿部朝臣元信
正六位上文室朝臣佐親
正六位上伴朝臣盛武
右得正三位行中納言兼大宰帥平朝臣惟仲去二

月廿九日奏狀併依例所請如件者左大臣宣奉

勅依請者省宜兼知依宣行之符到奉行

右大弁藤原朝臣行成左大史小槻宿祢

長保三年五月廿九日

太政官符大宰府

應給左右近衛左右兵衛合捌人食馬事

左近衛物部親忠上毛野宗延

右近衛海守富時秦松吉

左兵衛榎本千長日紀延滋

右兵衛土師延國倭文武依

右正三位行中納言兼帥平朝臣惟仲隨身如件者

左大臣宣奉勅宜給各食一具馬一疋者府宜兼

知依宣行之路次之國名宜准此符到奉行

右大弁藤原朝臣時左大史小槻宿祢

長保三年五月廿九日

太政官符大宰府

應給左右近衛左右兵衛等合八人事

左近衛從七位下紀朝臣為武

右近衛從七位下出雲宿祢國重

右近衛從七位下刑部宿祢助高

從七位下上毛野朝臣吉方

左兵衛從七位下伴宿祢如近

從七位下伴宿祢明武

右兵衛從七位下刑部宿祢助國

太政官藤原從七位下巨勢朝臣真松

右得從二位行中納言兼大宰權帥藤原朝臣隆家

去三月八日奏狀偁隨身依例所請如件者左大臣

宣奉勅依請者府宜兼知給各食一具馬一疋者

路次之國忽宜准此符到奉行

右少弁藤原朝臣實業左大史但波朝臣

長和四年四月七日

請被下下宣旨左右近衛左右兵衛等府各令差

進隨身依交名給官符狀中

右依代々例每府各二人所請如件

長元二年六月十九日從行權中納言兼大宰權帥藤原朝臣

太政官符式部省先以官符給式部之後以彼省符

應給儀仗八人事一人漏此符案

正六位上藤原朝臣惟恒

正六位上平朝臣齊國

正六位上平朝臣致友

正六位上菅原朝臣友頼

正六位上藤原朝臣為成

正六位上藤原朝臣時佐

正六位上藤原朝臣如孝

右得從二位行中納言兼大宰權帥藤原朝臣隆家

去三月八日奏狀備儀伏依例所請如件者左大臣

宣奉勅依請者省宜兼知依宣行之符到奉行

右少弁藤原朝臣左大史但波朝臣

長和四年四月七日

請被下宣旨補任儀仗八人狀

正六位上藤原朝臣重枝

正六位上藤原朝臣行良

正六位上藤原朝臣佐高

正六位上藤原朝臣時通

正六位上橘朝臣公通

正六位上源朝臣成經

正六位上紀朝臣清澄

正六位上紀朝臣公則

右依代々例所請如件

長元二年六月十九日從位行權中納言兼宮内卿兼權帥源朝道方

保安二年閏五月十日酉終時書寫了
同十一日卯時見合了

五六封土
五六封土
五六封土
五六封土
五六封土
五六封土
五六封土
五六封土
五六封土
五六封土

類聚符宣抄第八

任符事

守

按察使

及

鎮守府

將

軍

博士

城

史

生

名替
免本任放還

召大貳事

國司後家入京事

解由事

遁避不署狀帳事

延期狀事

詔使事

尺度池狹山北池大破事

損亡事

堂塔損色事

檢牧使事

越勘事

勘出事

以留案勘會公文

受領功課事

任符事

太政官符

右

武藏越前山北所大坂車

武

其

時野車

分付符到

分付符到

分付符到

分付符到

分付符到

分付符到

分付符到

奉行

左中弁

懷忠
天元六年三月一日

左大史

傳符一枚十二剋

太政官符太宰府

從五位下

朝臣維叙

右去八月□日任肥前國守畢府宜兼知官物一事

已上依例令分付緣海之國急宜給糧符到施行

弁

永觀元年九月十三日

史

太政官符近江國司

從四位下行右中弁平朝臣惟仲

右去年十二月十九日兼任彼國權令畢國宜兼知

官物一事已上依例分付符到奉行

類聚符宣抄第八

并

永延三年三月二日并鎮守府

太政官符陸奥出羽等國同并鎮守府 內印

正二位行大納言兼左近衛大將春宮大夫藤原朝臣朝光

右去正月廿九日兼任陸奥出羽等國按察使畢國

府兼知符到奉行

并

永延二年二月十三日畢國宜兼

太政官符陸奥國司并鎮守府 內印

從五位□藤原朝臣文條

右今月三日任彼府將軍畢國府兼知至即任用符

到奉行

左中在國并

左大史

永延二年十月五日

太政官符近江國司 內

正六位上文室真人清扶 今掾目放此給食馬糧

右去年十一月廿日任彼國少掾畢國宜兼知至即

任用符到奉行

并

寬和三年二月十九日

太政官符出羽國日外六月

權掾正六位上藤原朝臣貞光

右太政官今日下彼國件貞光任符注傳符一枚四

剋而不給其實國宜兼知依例行之符到奉行

并

永延元年七月廿日

太政官符攝津國司内印

從七位上秦宿祢春友從八位上東部宿祢時延秩滿替

右去年十二月五日任彼國史生畢國宜兼知至即

任用符到奉行

并

永延二年二月廿五日

太政官符出羽國司

應令介從五位下平朝臣兼忠勤行秋田城務事

右從二位行大納言兼陸奥出羽按察使藤原朝臣

為光宣奉 勅宜差遣彼城勤行中警固上若觸防禦有

所請者隨狀處分寄事鎮衛勿簡國務者國宜承知

依宣行之符到奉行

左中并 右大史

天元三年七月廿三日

太政官符但馬國司廿二日

從七位上多治真人廣光

右去年十二月廿五日任彼國博士畢國宜兼知至

即任用路次之國名宜給食馬符到奉行國宜

并大宣奉 味宜美並外史

永延二年二月廿五日出即新對外敷

中納言藤原朝臣愛發宣頃者給新國司任符多後

裝束程不守法制之所致也自今已後辨官入請印

牒之日先具勘知隨問辨申不可遺漏者

兼和四年七月廿七日少外記秋篠朝臣五百行奉

中納言從三位兼左衛門督源朝臣能有宣奉 勅

鎮守府權任官人籤符宜令注替人之姓名自今以

後立為恒例者

仁和元年七月三日大外記大藏善行奉

但馬介藤原朝臣忠憲 召名注忠制

備中權介弓削宿祢秋佐 召名無宿祢字

右民部卿中納言宣件人等召名未改正之間且印

其任符

仁和元年三月五日大外記高丘五常奉

右大臣宣奉 勅能登權掾矢集安吉去月廿九日

召名宿祢字誤注造宜雖未刊正且印其任符

仁和元年十月十二日大外記高丘五常奉

其能登權目從七位下早部造好長

右被中納言在原朝臣宣備件好長去仁和元年八月廿九日召名誤注正六位下早部宿祢好長改正之間宜依件令給任符者

仁和二年二月十五日大外記大藏善行奉

中納言從三位源朝臣能有宣奉勅備前權守藤

原朝臣諸藤召名誤不注權字而依有內裏穢不得

正召名以仰式部省宜彼任符在先請印者

仁和三年六月十日少外記紀長谷雄奉

越後守從五位下藤原朝臣遠成

右大臣^{忠平}宣奉勅件人雖未進本任解由且任符入

請印者

延喜十六年七月五日大外記伴宿祢久永奉

右大臣宣奉勅但馬介從五位上橘秘樹不待本任

放還彼任符且請印者

延喜十七年三月十六日大外記伴宿祢久永奉

正五位下行武藏守藤原朝臣高風

右從三位守大納言兼右近衛大將行皇太子傅藤

原朝臣道明宣奉 勅件人宜不待本任放還且請印任符者

延喜十七年四月十一日大外記小野美實奉

被右大臣宣傳未得解由者不可叙用之由法式既存不可違失但五位已上者事是分明更無所疑至于六位頗難詳知若誤任內外諸司者內官者可執申事由外官者作上任符之日惱能尋勘莫關請印事依勅語不可踈漏者

延喜十八年十月廿一日大外記伴宿祢久永奉

常陸公從五位上橘朝臣實範元周防守兼鑄錢長官

右大臣宣奉 勅件人宜不待本任放還且請印任符者

延喜廿二年三月廿八日大外記兼讚岐權掾伴宿祢久永奉

備後守從五位下橘朝臣惟風元宮内少輔

右大納言正三位兼行右近衛大將陸奥出羽按察使藤原朝臣定方宣奉 勅件人宜不待本任放還且請印任符者

延喜廿三年四月八日大外記伴宿祢久永奉

常陸介從五位上藤原朝臣公葛元信濃守

越中守從五位上葛井宿祢清明元備中

右左大臣宣奉勅件人等雖未進本任解由宜且任符入請印者

延長八年六月廿日少外記朝原口行奉

且下野守從五位上大中臣朝臣定行

元丹後守

丹波守從五位上伴宿祢忠茂

元但馬守

右大納言正三位藤原朝臣恒佐宣奉勅件等人

宜不待本任放還且請印任符

兼平五年三月七日少外記內藏惟直奉

薩摩守正六位上藤原朝臣作則

元大監

右中納言藤原朝臣扶袴宣奉勅件人奉去兼平

三年貢綿使入京今依府解遷任薩摩守宜不待本任放還任符入請印者

兼平五年六月十三日少外記內藏惟直奉

信濃守從五位上高階真人師尚

元周防守

右中納言從三位藤原朝臣扶袴宣奉勅件人宜

不待本任放還且請印任符者

兼平六年二月廿七日少外記內藏惟直奉

阿波守從五位下藤原朝臣雅量

右大臣宣奉勅今月九日召名脱落朝臣字宜刊

正之間且請印彼任符者

兼平七年九月十七日少外記三統公忠奉

前上總介從五位下百濟王貞運在國

右中納言藤原朝臣實賴宣奉 勅件人交替未終

任武藏守宜不待本任放還請印任符者

天慶二年五月十七日大外記三統宿祢公忠奉

相摸介從五位下藤原朝臣國幹元右京亮

下總守從五位下安倍朝臣恒鑿元陸奥介

上野介從五位下平朝臣清幹元大監物

下野守從五位下大江朝臣朝望元大炊頭

右中納言藤原朝臣師輔宣奉 勅件等人宜不待

本任放還請印任符者

天慶三年正月廿七日權少外記伊福部安近奉

壹岐守正六位上菅原朝臣清鑒天慶二年十二月任

右中納言從三位藤原朝臣師輔宣奉 勅件人為

大宰監之時請兼平六年貢綿使入京而預事依負

濟了宜不待本任放還請印任符者

天慶三年五月十日大外記三統宿祢公忠奉

尾張守藤原朝臣興方元主殿助

肥後守藤原朝臣時佐元主殿頭

右大納言藤原朝臣師輔宣奉 勅件人等宜不待

本任放還請印任符者

天慶六年三月七日少外記多治文正奉

土左守從五位下布瑠宿祢有平

右中納言從三位源朝臣清蔭宣奉 勅今月九日

召名瑠字作留其召名刊正之間且請印任符者

天慶七年十二月廿日大外記兼近江權少掾三統宿祢忠奉

備中介從五位上和氣朝臣兼濟 元越前守

右右大臣宣奉 勅件人本任解由進官既畢而未

下所司宜且請印任符者

天慶八年五月十六日權少外記賀茂安國奉

因幡守從五位下平朝臣清幹 元上野介

右從三位守大納言兼行春宮大夫陸奥出羽按察

使藤原朝臣師輔宣奉 勅件人本任解由進官既

畢而未下所司宜且請印其任符者

天慶八年五月十九日大外記三統宿祢公忠奉

備中介從五位上和氣朝臣兼濟 元越前守

右右大臣宣奉 勅件人不待本任放還請印任符

者

天慶八年五月廿六日權少外記賀茂安國奉

遠江守從五位上平朝臣統理 元因幡守

類聚宣奉

右右大臣宣奉 勅件人宜不待本任放還且請印
任符者

天慶十年二月十六日大外記賀茂安國奉

播磨守從四位下伴宿祢彦真 元美濃守

右右大臣宣奉 勅件人宜不待本任放還且請印

任符者

天曆八年六月十四日權少外記安倍衆與奉

左大臣宣奉 勅近江守伴宿祢彦真不待本任放

還可令請印任符者

天德三年正月廿八日大外記兼周防及御船宿祢傳說奉

左大臣宣奉 勅備後守藤原朝臣致忠不待本任

放還可令請印任符者

天德三年二月六日大外記兼周防及御船宿祢傳說奉

常陸及藤原朝臣滋望

右左大臣宣奉 勅件人宜不責本任放還請印任

符者

天德二年二月十七日大外記兼周防及御船宿祢傳說奉

大納言藤原朝臣顯忠宣奉 勅陸奥守藤原朝臣

國紀不待本任放還可請印任符者

天德三年九月十日大外記大江遠兼奉

大納言藤原朝臣在衡宣奉勅飛驒守藤原茂色
不待本任放還可請印任符者

應和元年十二月九日少外記海正澄奉

左大臣宣奉勅下野守藤原朝臣繁正宜不求本

任放還請印任符者

應和二年四月二日大外記兼權助御船宿祢傳說奉

佐渡守正六位上朝原宿祢世常

右左大臣宣件人去正月任佐渡守而召名誤宿祢

字注朝臣改正召名之間依先例且可請印任符者

應和二年三月廿五日大外記兼權助備後御船宿祢傳說奉

權大納言藤原朝臣師尹宣奉勅紀伊守紀文利

宜不求本任放還請印任符者

康保三年二月十六日權少外記大藏弼邦奉

越前守紀朝臣文相

加賀守橘朝臣忠信

阿波守橘朝臣高臣

左大臣宣奉勅件等人宜不求本任放還請印任

符者

康保四年八月七日大外記菅野朝臣正統奉

伊賀守藤原朝臣仲文

左大臣高明宣奉 勅件人宜不求本任放還令請印任

符者

康保五年冷泉二月廿二日權少外記鴨連量奉

美濃守藤原朝臣時柄

右大臣宣奉 勅件人宜不求本任放還請印任符

者

康保五年二月廿二日少外記大藏弼邦奉

伯耆守藤原朝臣公明

從三位守權大納言藤原朝臣伊尹宣奉 勅件人

不待本任放還宜令捺印任符者

康保五年二月廿九日少外記坂上望城奉

權大納言藤原朝臣伊尹宣奉 勅播磨權少掾藤

原為時任符不待本任放還且令請印者

安和元年十一月十七日少外記大藏弼邦奉

長門守從五位下藤原朝臣敏政

權大納言正三位藤原朝臣伊尹宣奉 勅件人宜

不待本任放還令捺印任符者

安和二年二月廿六日少外記板上望城奉

內給左大臣道長右大臣并給 左大史小槻宿祢奉親七日

依請准度真例且造上任符

請殊蒙 天恩曰准傍例不待本任放還給任符

赴任國狀 右匡衡去寬弘六年正月任尾張守十月廿八日著

任今年蒙殊私之朝恩遷任丹波守須先勤行前任

交替之務而遷任他國之輩不待本任放還早赴任

所風跡多存近則播磨守景舒任伊与守伊与守清

延任播磨守各遷任之間不待放還又伴彦真天曆

六年正月任美濃守同八年五月任播磨守平貞盛

天祿三年正月任丹波守天延二年十一月任陸奥

守是皆殊被下宣旨不待本任放還赴任者也以往

之例不可稱計望請殊蒙 天恩曰准前例被裁許

不待本任放還將赴任國匡衡誠惶誠恐謹言

寬弘七年六月八日

依請

從四位下行美濃守源朝臣賴信誠惶誠恐謹言

請特蒙 天恩曰准先例不待本任放還給籤符

赴任國狀

右賴信今月八日遷彼國守謹檢先例分憂之吏如

此遷拜之輩不待本任放還早給任符赴任國之例

近則大江匡衡朝臣從尾張遷丹波守藤原公則朝

臣從同國遷河内守等是也以往之例不遑毛舉望請天恩被下宣旨不待本任放還給籤符將赴任國矣賴信誠惶誠恐謹言

長元五年二月廿日從四位下行美濃守源朝臣

免本任放還事

大藏少丞清原常松謹言

請被免本任放還之宣旨下式部省狀

右常松去二月十四日任掃部允而沉重病未向任官之間去四月廿八日遷任大藏少丞望請宣旨下式部省被免件責今注事狀謹言

延喜十一年五月十五日大藏少丞清原常松

大藏少丞正六位上清原真人常松

右被^光右大臣宣稱件人去二月十四日任掃部允而詔後依身病未到彼寮之間去四月廿八日遷任大藏少丞宜仰式部省莫令責本任放還者

同年六月十三日大外記菅原利蔭奉

仰式部少錄安野逸羣了

民部少丞大藏常直

右大納言藤原^{忠平}宣件常直宜免本任山城國放還之責者

延喜十一年九月七日大外記阿刀宿祢春正奉

刑部少錄真髮部良助元越前權少河内守備平主元山城守

甲斐守藤原朝臣貞淵元上総介美濃守源朝臣悦元幸齋

出雲守九河内宿祢弘恒元大隅守

右大納言藤原卿宣件等人不向任國宜莫責本任

放還者

延喜十四年五月七日大外記阿刀宿祢春正奉

前大和守甘南備真人扶持

被從三位守大納言兼右近衛大將行皇太子傅藤

原朝臣道明宣傳件人其身不向任所莫責本任放

還者

延喜十五年十二月廿八日少外記和利親奉

即召仰式部少錄葛井清明了

大外記伴宿祢久永

治部少輔橘朝臣方用

右大臣宣件人等不向任國宜仰式部省莫責本任

放還者

延喜十六年六月十日少外記小野美實奉

兵庫少屬勝安並元相模權大目

右中納言藤原定方卿宣件人不向任國宜莫責本

任放還者

延喜十八年八月二日大外記伴宿祢久永奉

彈正少弼橘朝臣方用元下野守

右大臣宣件人不向任國宜莫責本任放還者

延喜十八年九月廿九日大外記伴宿祢久永奉

即日仰式部大録安野逸群了

近江史生九部安澤解 申請藏人所裁事

請被召仰式部省早令申補任之狀

右安澤依日次供 御所勞去延喜十二年任伊勢

史生罷任之後去年被檢任件國史生而式部省稱

不進本任國解由未申補任謹檢案内安澤任伊勢

史生之時勤奉供御不向任國仍去延喜十二年二

月廿一日留京官符下國先了然則遙任之人何拘

解由望請 所裁被召仰彼省早令申補任仍録事

由謹請所裁裁謹解

延喜廿年六月十九日近江史生九部安澤

右大臣宣奉 勅宜仰式部省莫令責件安澤本任

放還者

同年閏六月廿八日大外記伴宿祢久永奉

散位藤原朝臣忠舒元陸奥權介

右被^也左大臣宣傳件人身不向任國不可責本任放還者

延長三年十月十五日勘解由管兼外記伴宿祢兼奉

中納言藤原朝臣在衛宣傳明日可有二分召事而式部省申云著任丞等皆申故障可闕其事者然則少丞橘雅文雖未進本任內記放還召仰彼省免未得放還之責宜令從彼日事者

天曆九年六月十八日少外記安倍衆與奉

召大貳事付可令入京國司後家事

太政官符大宰府

召前大貳從四位上勳六等朝野宿祢鹿取

右被^{夏野}右大臣宣傳奉勅宜召遣者府宜兼知宛馬

十二足夫十二人食十二具令得入京路次之國名

宜准此符到奉行

從位守左少弁勳七等伴宿祢氏上右更正位上出雲宿祢全嗣

淳和天長十年正月廿二日

太政官符大宰府

大貳從四位下藤原朝臣佐忠

右左大臣宣奉勅件人宜遣召者府宜兼知給食

十二具馬十二足進上路次之國名宜准此符到奉

行二具馬十二匹並工部之國名宜准此符到奉行
右大弁源朝臣保光和入右大史小槻宿祢忠臣

安和三年三月

太政官符大宰府

從三位行大貳藤原朝臣國章

右左大臣雅信宣奉 勅件人宜遣召者府宜兼知給食

廿具馬廿疋進上路次之國名宜准此符到奉行

右少弁五位藤原朝臣懷遠 從五位衛太史大春日朝臣良辰

天元四年三月廿二日

太政官符大宰府

前大貳正三位行皇后宮權大夫藤原朝臣佐理

右右大臣道長宣奉 勅件人宜遣召者府宜兼知給食

廿具馬廿疋進上路次之國名宜准此符到奉行

參議衛衛弁兼中宮藤原朝扶 正三位衛弁兼中宮守兼朝臣平

長德元年十月廿五日

太政官符大宰府

正三位行大貳藤原朝臣惟憲

右右大臣實資宣奉 勅件人宜遣召者府宜兼知給食

貳拾具馬貳拾疋進上路次之國名宜准此符到奉行

行

造委寺長管正德街大辨兼内藏頭官亮源朝正德街大辨兼内藏頭官亮源朝

後藤長元二年五月四日

可令入京國司後家事

太政官符下総國司

應令入京故守藤原朝臣有行後家事

右右大臣師輔宣奉

勅件後家宜給食十具馬十疋令

入京者國宜兼知依宣行之路次之國急宜准此符到奉行

右少弁

左少史

天曆七年六月十日

解由事

太政官符五畿内七道諸國司

應進解由三通事

解由三通之内以一通下民部仍今官不勞仰主計主稅兩寮

右解由可進二通之狀式條已存一通下式部省一

通下勘解由使為勘據之備而今造進前司填納已

分差帳二通可下民部勘解由等省使之狀下知己

了右大臣師輔宣奉勅宜仰諸國解由令進三通其一

通下民部省令所司知填差分若放己令解由不附

其物拘留稅帳必令填納者諸國兼知依宣行之符

到奉行

宣奉符宣少第

右中并藤原朝臣有相 左少史御立宿祢維宗

天曆三年六月十三日

太政官符

應依雜米未進斷罪國郡司返國司解由事

右左大臣奏狀稱日者大炊廩院數申無庫尋其由

緒誠緣未進元年粉白米者以大稅利稻諸國春進

一年應納萬八千石而或年見納六七千石或年纔

八九千石然則既欠三分之一何支百僚之用伏見格

徐寶龜元年四兩年頻乘法制云諸國雜米未進數

多既闕國用事須掾領已上專當其事史生以上宛

綱領送若有未進無問多少國司史生已上皆奪公

解主典已上並即貶考專當官者解却見任郡司主

帳以上咸取職田解任貶考名同國司延曆十四年

格云依少奪多事實不穩而解米足絹一物未進偏

稱格式悉奪公解於事思量深乖弘恕自今以後宜

國司史生已上各作差法准未進數割其公解隨色并

備進納京庫據件等格隨未進誤公解雖載延曆之

格罪專當貶綱領尚存寶龜之制今之所庶專當國

司罪如始制綱領史生急解却見任其國司進解由

從三位行春宮大夫藤原朝臣時平宣奉 勅依請

寬平六年八月四日 并史可今之西人無意者

遁避不署狀帳事

左中弁藤原朝臣經通傳宣左大臣宣奉 勅前 伊

巨史 □守管原朝臣通雅不與解由狀遁避不署之間其
身卒去宜任式條直下所司者 木五餘一此未詳

長和四年十月廿六日左大史但波朝臣奉親 奉

左中弁藤原朝臣文範傳宣大納言藤原朝臣在衡
宣奉 勅紀伊國申請不與前司攝朝臣雅文解由

狀避遁不署之間程限已過依國解文為對問台前
後司而新司藤原朝臣為光雖奏上前司雅文頻稱
故障以不奉隨又無有并申仍件避遁不署前司雅
文狀一卷申文一枚并新司為光 □文三枚等宜任
去天曆元年四月十一日宣旨下勘解由使令勘奏
者 中勘奏上

應和四年二月二日左少史并原連扶 奉

延期狀事

播磨國司解 申請 官裁事

請被延交替程限外陸拾箇日狀

右新司守從四位下藤原朝臣共政今年二月廿日
 著任交替程限可滿今月廿二日須限內勘定言上
 而前司守從四位上大藏卿源朝臣泰清頻煩身病
 動不從事送旬日不能并究曰茲程限之內交替已
 畢望請 官裁准傍例被延程限外陸拾箇日將畢
 交替政仍錄事狀謹請 官裁謹解
 天元四年六月三日

可尋
官符

詔使

檢國々交替使主典

遠江國

宮内少録園五種

飛驒國

竿生若櫻部嘉胤

下野國

中務少録依智秦時頼

康保元年十月十四日

左大弁攝朝臣好古傳宣左大臣實頼宣件等人宜差遣
 檢彼國々交替使主典者

康保元年十月十四日左大史物部宿祢安國奉

類聚不宣抄第...

二十三

備後國司解_中申請典官裁事

請被_下宣旨於前司正五位下藤原朝臣理明

勤行交替政狀_上 十月十四日

右新司正五位下藤原朝臣寧新今年正月廿日任

同年六月三日著任交替之政須早始而前司理明

身在京都曾不赴國屢雖相催無_口逗留_口茲程限

欲過交替不行官物官舍之類就誰受領納官封家

之辨依何勘知望請_一官裁被_下前司理明勤行文

替之例務受領應在之官物仍錄事狀謹請_一官裁

謹解

長保五年九月三日

可尋
宣旨

河內國司申請雜事七箇條

請被_下裁許延任二箇年築固尺度池狹山北池大

破堤事

右大臣_{實資}內大臣_{教通}權大納言藤原朝臣_{行成}春宮大夫藤原

朝臣_{賴宗}權中納言藤原朝臣_{長家}皇太后宮大夫源朝臣_{道方}權

中納言藤原朝臣_{朝經}皇太后宮權大夫藤原朝臣_{實平}左大

弁藤原朝臣_{之賴}

類聚不宣抄第八

件堤損破有實者

有伺事乎遣使

定行歟

萬壽二年六月七日

損亡事

太政官

近江國

檢近江國神埼依智犬上等郡河損使兼正位上家原朝恒門

延喜六年六月廿二日

太政官

近江國

檢神埼愛智犬上三箇郡河損使從七位上春道宿祢敏助

延喜六年六月八日

太政官符近江國司

使掃部允從七位上春道宿祢敏助

主典正八位上家原朝臣恒門

右為令實檢彼國神埼愛智犬上三箇郡河損差件

等人宛使發向如件國宜承知聽使處分符到奉行

左中并

□大史

延喜六年六月廿二日

類聚不宣抄第...

二十五

寬弘元年閏九月十三日 驛鈴二口 各三刻

堂塔損色事 口大史

左辨官下美濃國 口大史

使右大史坂本忠國 從肆人

左史生川原文岑 從貳人

右史生大嶋為範 從貳人

使部 從各壹人

木工少屬九河助連 從貳人

築師雀部為利 從貳人

長上早部重安 從壹人

工長上山有直 從壹人

杖取伴 安光

右左大臣宣奉 勅為令檢錄彼國國分寺堂塔雜

舍等損色差件等入發遣如件國宜兼知依宣行之

使者經彼之間依例供給路次之國急宜給食馬官

符追下

寬弘元年閏九月十三日 史

右少弁藤原朝臣

檢牧使事

太政官符信濃上野兩國司

左馬權少允正六位上安倍朝臣以重

右馬大屬從七位上石城村主保兼

右中納言從三位兼行民部卿藤原朝臣文範宣奉

勅為令檢校彼國諸牧御馬并牧内雜事差件等人

發遣者諸國兼知一事以上聽使檢校符到奉行

正五位守右中弁藤原朝永保 從五位衛大史大春日朝良辰

圓缺天延三年二月一日

太政官符甲斐武藏兩國司

左馬權少允正六位上安倍朝臣以重

右馬大屬從七位上石城村主保兼

右中納言從三位兼行民部卿藤原朝臣文範宣奉

勅為令檢校彼國諸牧御馬并牧内雜事差件等人

發遣者諸國兼知一事已上聽使檢校符到奉行

正五位守右中弁藤原朝臣永保 從五位衛大史大春日朝良辰

天延三年二月一日

越勘事

太政官符民部省

應越勘攝津國前前司藤原朝臣正輔任中稅帳

事

類聚符宣抄第八

右得彼國前司正四位下行春宮亮源朝臣正清今年八月廿三日奏狀稱謹檢案內正清去正曆元年七月廿八日任攝津守同十月廿八日著任後尋問年々四度公文勘不之由書生等申云前前司源朝臣相規任天祿元年以來代々之吏專不濟事或卒去或出家數代公文多以擁積者而正清殊存公平欲勘濟任中以往公文之處前前司正輔朝臣身適雖存徒送數年任中四度公文無期勘濟謹案事情如此之國先當任公文勘次可勘前司時帳之例具存去寬平九年六月十九日格詳注其由申請國々

已蒙裁許越勘公文其例存迹不可勝計望請天裁被下宣旨於所司越勘正輔任中稅帳租出舉帳等殊竭勤節將省累年之煩者內大臣伊周宣奉勅稅帳依請者省宜承知依宣行之符到奉行

右中并高階朝臣信順 左大史多采朝臣國平

正曆五年十二月廿九日

太政官符民部省

應越勘下野國寬弘元二三四并四箇年租帳出舉帳統帳事

右得前司守正五位下安倍朝臣信行去十月廿八

日奏狀僞謹檢案內前前司守源朝臣滿扶藤原朝臣亮明大江朝臣佐理不勘公文類以卒去次守多治真人守忠雖有其身未勘公文次守安倍朝臣有親不終任限又以卒去爰前司藤原為元曰准美濃守源朝臣賴光淡路守藤原朝臣能通丹後守但波宿祢行衡周防守菅原朝臣為理等之例越守忠可勘濟公文之由早經申請即依有蹤跡雖蒙裁許之官符徒送日月曾無其勤因之信行殊迴微計勘濟前司任終一年當任三箇年大帳調帳義倉帳同請四箇年調庸惣返抄先了欲勘祖帳出舉帳統帳之處

被拘留前吏之懈怠未勘畢當任之公文不蒙越勘之宣告何顯勤皇之優劣望請天恩曰准傍例被下宣告所司將越勘件租出舉帳等者從二位行權中納言兼皇太后官權大夫侍從藤原朝臣行成宣奉勅依請者省宜承知依宣行之符到奉行從置從置中并兼但馬權守藤原朝臣經右右變正直宿祢是氏

寬弘七年十二月廿一日

太政官符民部省
應越勘伊賀國當任長元三四五六并四箇年公

文事

類聚不宣抄第八

右得彼國去月十九日解狀稱謹檢案內前司光清
去萬壽元年二月十九日拜任長元三年十二月廿
九日配流已了而彼任中公文無期勘濟爰顯長殊
廻權計任中事合期進濟適受日收欲勘濟公文之
處所司確執不許越勘抑諸國公文勘畢之期前後
重疊憲法不輕恐依前吏之不勤徒可失當任之勤
節今按寬平九年格云先勘當任公文次勘前司時
帳者然勘公文例據前年帳勘後年帳若以未勘帳
之遺加徵當任帳之頭頭次則脫漏增減當致物疑須其
未勘之由詳注載彼帳勘舊帳之日若有勘出直加

徵新帳者望請天恩被裁許曰准傍例越勘前司光
清任中帳勘濟始自當任帳將致至公之節者正二
位行權中納言兼宮內卿源朝臣道方宣奉 勅依
請者省宜兼知依宣行之符到奉行

左少弁源朝臣經長

左大史惟宗朝臣

長元七年七月十五日

太政官符民部省

應越勘長元々二三四并四箇年公文事

右得出雲國去七月十三日解狀稱謹檢案內前司
守橘朝臣俊孝去長元五年九月之比坐事配流仍

未勘公文爰新司守藤原朝原登任殊勵忠節欲勘
濟公文之處所司勘發云先勘前任帳次可勘當任
帳者何依前吏之不勤徒可失當任之勤哉抑越勘
之例格條已存前蹤不可勝計望請官裁曰准傍例
早被下宣旨於所司越勘件年々帳弥勵忠節者右
大臣宣奉實資勅依請者省宜承知依宣行之符到奉
行

右中弁兼和泉守源朝臣經良左大史管乃

長元九年八月卅日

勘出事 以留案勘會公文

右中弁藤原朝臣有相傳宣右大臣師輔宣奉 勅諸國
交替欠物可令弁填之狀具在去承和十二年十月
廿二日格差分起自任用准請及於官長此則物少
欠負人無巧徭之時也而今如聞頃年諸國受領之
吏稱填已分之差放還前司之後以其任中雜怠物
皆申置勘出且勘公文漸為流例所填不幾其遺猶
多徒有勘濟公文之名曾無填納欠物之實事幸憲
法寔多公損自今以後放還前司之國申請當任交
替欠之解文若載不動動用穀類糯米之類宜從返
却者

天曆二年八月廿三日左大史海宿祢業恒奉

應置勘出勘濟前司任中未并濟稅帳公文紕繆

雜^上急事

天慶元年勘出無返抄採銅鉛新穀頴萬漆仟佰

叁拾玖束叁把四分六毛六厘

穀仟伍佰玖拾斛肆斗玖外壹合

頴仟佰肆拾肆束肆把三分六毛六厘

天慶貳年勘出無返抄援銅鉛新穀頴萬漆仟佰

叁拾玖束叁把四分六毛六厘

穀拾肆斛玖斗壹外叁合伍夕漆撮

頴萬陸仟玖佰玖拾束壹分玖厘

天慶叁年勘出

不舉填修理國分寺新伍佰束

例減省八萬束內

無返抄銅鉛新穀頴萬漆仟佰叁拾玖束叁把

肆分陸毛陸厘

穀仟伍佰玖拾玖斛肆斗玖外壹合

頴仟佰肆拾束肆把叁分陸毛陸厘

無符立用兵糧不動穀頴肆萬肆佰叁拾束貳把

穀叁仟玖佰叁拾捌斛貳斗

底敷頴仟伍拾束

天慶肆年勘出

不舉填修理國分寺新伍仟束

例減省八萬束內

不填納過分不堪佃田三分之一租穀貳仟百

肆拾貳解伍升伍合肆勺貳撮

無符兵糧不動萬玖仟伍佰陸拾肆束捌把

穀仟捌佰捌拾叁斛捌斗捌升

底敷額漆佰貳拾陸束

無符立用兵糧糶叁佰斛

無符注載未納雜稻漆萬仟伍佰束

公廨稻伍萬貳仟束 本四萬束 息利二千束

救急新稻萬叁仟束

本萬束 息利三千束

國分寺新稻陸仟伍佰束

本五千束 息利千五百束

右得長門國天慶六年二月十六日解傳謹檢案内

守從五位上橘朝臣奉胤去年七月十一日到任初

行交替之政爰前司任中天慶元年以後至于同四

年未勘四度公文其紕繆雜怠觸事端多爰前司守

從五位下物部宿祢本與陳云以去承平七年六月

十三日著國而前前司守源朝臣昭任終承平六年

以來國弊民表不勤農業因之每年言上不堪佃田

并異損或年不堪三千七八百町或年異損一千八

百町徽納租稅隨而不幾正稅例用不足常多可舉
填正稅在例省內可返負租穀無尋徽之民然而存
公平年新銅二千五百十六斤十兩二分四銖鈔千
五百十六斤十兩二分四銖承平七年以往殊廻方
略依數宛納請返抄已了至于天慶元年以後年新
僅廻謀計擬并濟之間從同二年春初凶賊乱盛往
還不輒加之官符頻下只營警固進官調庸勘濟公
文惣以抛弃不勤濟又無符立用兵糧新不動穀糶
事依機急且以宛下且以言上待候裁許之間得替
解任已成身急也具載不与解由狀言上先了方今

勘公文道非無其次第不勘前司任中公文何及當
任裁重檢傍國例雖不遭賊害而為濟往年公文如
此雜怠皆申下宣旨也况乎當國遭賊徒之侵害燒
亡官舍掠奪官物其色目分明也望請官裁因准諸
國例被下宣旨置之勘出勘濟往年公文將省負累
者右少并管原朝臣在躬傳宣中納言藤原朝臣元
方宣依請者

天慶八年三月八日左大史御船齊江奉

應暫置勘出勘濟公文天曆六年交替欠留國官
田地子稻填納遺十四万八千六十一束二把

三分七毫二釐事

右得前和泉守從五位上菅原朝臣雅規去八月三日解備謹檢案内件地子稻代々置勘出勘濟公文其來尚矣而今勘去應和三年帳之日主稅寮稱不填納勘判報符所徵去天曆六年交替欠留國官田地子稻十六万六十一束餘不勘公文重檢案内件報符是依前前司守藤原朝臣後連卒去之替次守源朝臣濟檢交替使刑部少丞藤原守正等言上實錄帳勘解由使所勘判也次守藤原朝臣定忠同陳忠并雅規等也吏經四代年及二八件符色雅規何

暗填納乎今驚主稅寮勘發欲勤填納數十年以往十余万官物去任國司忽難填納又案貞觀新定交替式天長九年十二月十七日官符率公解本額可填舊年未納欠物此國公解本額八万束也減省定舉二万六千束雖然率彼本數八万束每年所當二千四百束前司任終一年當任四年并五箇年新万二千束適致忠勤填納已了望請殊蒙天裁被下宣旨且以所填勘會公文且以其遺暫置勘出將勘濟公文然則官物漸有填納之期公文自無勘濟之煩者左少并平朝臣偕行傳宣左大臣宣奉勅依請者

類聚新定抄第...

三十五

康保四年十二月一日右大史吉志宿祢公胤奉

應班符未下間置勘出勘濟寬弘元二三四并四

音道箇季租帳事

右得攝津國雜掌秦吉成去寬弘四年十二月八日

解備謹檢案內此國按田授口帳合期勘造進官先

了隨則請官省外題又了爰欲據勘之間所司勘返

云班符未下國租帳非蒙宣旨輒難勘濟者雜掌抱

公文徒辛苦察虛望請官裁任先例被下宣旨於所

司班符未下間置勘出勘濟件年々租帳者右中并

藤原朝臣重尹傳宣權大納言藤原朝臣齊信宣依

請者

寬弘八年十二月廿六日右大史竹田宿祢宣理奉

以留案勘會公文事

應就留案勘會公文前司藤原朝臣方正任中寬

弘元二三四并四箇年減省符班符宣旨等事

右得攝津國去閏十月廿五日解備被左并官今月

廿三日宣旨得攝津國去月廿日解狀備謹檢案

內前司守從四位上藤原朝臣方正去寬弘二年六

月十九日任同六年正月廿八日得替解任而任中

公文于今未勘頻雖加其催空送四箇年不依新制

類聚新定抄第...

三十五

無心勘濟但守為義朝臣當任調庸雜物任格合期
悉以進納勘濟公文任中致勤今依前司之緩急何
失當任之勤節望請官裁回准傍例早被下宣旨於
所司越勘彼任稅帳弥勵其勤者今依宣旨欲勘濟
彼任租出舉帳等之處件年々減省官符班符宣旨
等民部史生村主忠茂為成省符請預之間去夏之
比其身死去仍就後家尋求之處已無其實者相副
同省史生佐伯信兼所進申文言上如件望請官裁
就官符宣旨留案被下宣旨於所司勘濟件帳將致
至公之節者左大并源朝臣道方傳宣左大臣宣奉

勅依請者

寬弘九年十一月廿九日左大史但波朝臣奉親奉

少錄內藏是隆奉同十二月二日

受領功課事

應令勘申諸國受領吏功過事

右右中并藤原朝臣邦基傳宣右大臣宣奉 勅諸

國受領吏進解由之輩宜仰主計主稅兩寮每年十

二月廿日以前令勘申其功過立為恒例者

延喜十五年十二月八日左大史錦良助奉

左大并藤原朝臣邦基傳宣左大臣宣調庸絹綿所

進之日若有麤惡口色目収可注其由之狀下知諸
司已了今須勘申受領之官功過之時麤惡絹綿之
數注載其勘文者

延長六年閏月廿八日左大史錦春陰奉

保安二年十一月廿六日午時書寫了

類聚符宣抄第九

講書事 付竟宴

文章得業生試

付補得業生
并問博士

方略試事

付問博士

策判事

文章生試事

付博士等
并依判誤進

急狀

停釐務

明經准得業生試事

付預食口學生
并問者生課試等

明法得業生試事

竿得業生試事

醫生試事

天文得業生事

進天文奏人事

類聚新定抄

講書 竟宴附出

少外記大藏善行

右右大臣宣以件人令行日本紀竟宴事者

元慶六年八月廿二日大外記巨執文宗奉

右大臣宣令從五位上行式部少輔兼文章博士藤

原朝臣管根講史記者

昌泰二年五月十一日少外記小野保衡奉

同日仰大學少允管野君房訖

被右大臣宣稱令文章博士從五位下三善宿祢清

行講竟前文章博士藤原朝臣管根所讀遺之史記

者

昌泰三年六月十三日大外記三統理平奉

即日仰大學少屬時原有平訖

學生藤原忠紀

右左大臣宣件人宜為日本紀堂尚復者

延喜五年五月二日少外記紀延年奉

左大臣宣奉 勅宜令散位正五位下橘朝臣仲遠

講日本紀又仰大學寮其尚復紀傳明經生等各一

人令差進者

應和四年二月廿五日大外記兼稅權助備後御船御禮訖奉

類聚新定抄

式部大輔橘直幹朝臣奉 左京權大夫大江重光朝臣奉

式部權大輔菅原文時朝臣奉 大學博士十市宿祢有象奉

文章博士藤原朝臣後依觸藤原權右少弁大江朝臣齊光奉

左衛門權佐菅原朝臣輔正奉 大學頭高階真人成忠奉

勘解由次官紀朝臣伊輔奉 式部少丞三善道統奉

右左大臣宣宣類今月十三日辰二刻可始講日本紀件

等入宣召預講席者

康保二年八月五日 大外記兼稅權助備後御船宿祢傳說奉

日本紀尚復召人

尚復

大外記御船宿祢傳說

召人

式部大輔橘直幹朝臣 左京權大夫大江重光朝臣

式部權大輔菅原文時朝臣 大學博士十市部宿祢有象

文章博士藤原朝臣後生 左衛門權佐菅原朝臣輔正

大學頭高階真人成忠 權右少弁大江朝臣齊光

勘解由次官紀朝臣伊輔 式部少丞三善道統

右左大臣宣依件行之者

康保二年八月五日 大外記兼稅權助備後御船宿祢傳說奉

文章得業生試 付補得業生事

領長符宣少第

美身不宣抄第九

少輔正五位下藤原朝臣在衡傳宣右大臣宣奉
勅文章得業生三統元夏據文章博士大江朝綱等
奏申請之者非無其由特不滿年限宜令遂課試

兼平七年二月十五日大録葛井清鑿奉

請殊蒙 宣旨令遂課試文章得業生等狀

正六位上播磨權少掾藤原朝臣雅材

正六位上三善朝臣道統

右雅材等二代儒胤一時俊才天曆十年共給學問
新天德元年同補得業生味道之志門塵雖芳揚庭
之望家風未扇伏尋延喜新制秀才課試之期以滿

七年為限延喜未歲己來忽有相准之法以給新之
二年當秀才之一年藤原經臣給新勞四年秀才勞
五年被許登省是其始也但大江齊光給新勞三年
秀才勞四年殊蒙 宣旨早遂課試就彼准法計其
年數兩勞之間僅五年餘今件雅材等雖給新之程
一年不及而秀才之勞二年已過同計其程已六年
餘望請早被下 宣旨以件雅材等飽准齊光之例
將令遂彼課試謹請 處分

應和二年四月廿五日

文章博士從五位兼右內記美濃及藤原朝臣後生

頁三十一

從四位術學頭兼文章博士菅原朝臣文時

左大臣宣奉實賴勅宜仰式部省令課試者

同年五月廿一日外記兼權助御船宿稱傳說奉

太政官符式部省

應補文章得業生正六位上藤原朝臣實範事

右得參議正四位上行式部大輔兼伊豫權守藤原

朝臣廣業等去六月廿三日奏狀備實範者故從三

位太皇太后宮權大夫永賴御孫左少辨正五位下

兼行文章博士東宮學士藤原朝臣義忠弟子也丹

瑩取燭披細帙於芸幌之風白鳳法夢振羽毛於李

門之月見其偉器期以大成謹檢舊典擇文章生廿

人中才學拔萃者二人補得業生歷代通規也縱無

兩儒之吹噓何不舉一族之英度伏望鴻慈以件實

範補得業生弘勵鑽仰之志者從二位行中納言兼

右衛門督藤原朝臣實成宣奉勅宜補文章得業

生善滋經業死闕之替者省宜兼知依宣行之符到

奉行

右少弁藤原朝臣賴明左大史小槻宿祢

治安三年十二月廿日

問者

頁...少高...

少外記興世貞可仰云右大臣經基宣文章得業生越前
權大掾藤原佐世宜令大内記都宿祢良香問之者
貞清和觀十六年七月廿三日少錄山口岑世奉

中納言在原行平卿宣文章得業生越前少掾藤原
春海擬奉策試宜令少内記三善清行問之者

仁和二年五月廿六日大外記大藏善行奉

同月廿七日仰式部少錄善洲邦彦了

左大臣時平宣散位菅原淳茂擬奉策試宜令大内記三
統宿祢理平問之者

延喜八年七月十四日大外記阿刀宿祢春正奉

左大臣實賴宣宜令文章博士橘朝臣直幹問文章得業
生天田部陳義方略之試者

天曆二年七月十七日少外記雀部是連奉

同日召仰式部少錄賀陽真正了

方略試問者附出

備前掾藤原在衡

右大臣忠平宣奉勅宜令件在衡奉方略試者

延喜十七年十一月廿三日大外記伴宿祢久永奉

同月廿五日仰式部少錄井原好風了

請蒙宣旨令奉方略播磨少掾正六位上橘朝

臣直幹狀

右直幹故備前守公統朝臣入室弟子也少年齒曹大成凝懷而公統朝臣未發春桃之舉忽從秋栢之化直幹久遊聖水之濱琢玉不倦多嘗魯山之嶮成簣切心見其才能尤堪採擢身為典平器是函中謹檢案內我朝獻策者始自慶雲之年至于承平之日都盧六十五人元慶以前數十人多是名其家者也寬平以後只有儒後儒孫相承父祖之業不依門風偶攀仙柱者不過四五人而已曰茲或在舍文藻忽變登龍之心或稱非弓裘遂斷舛鵠之望若見直幹

之成名定多黎獻之念業加以為諸國掾不賜穀倉院新蒙綸言對策者滋野良幹藤原管根橘公統藤原在衡等是也又散位三統理平依博士之舉成大業望請蒙宣旨令件直幹奉方略試然則不空往年開心之夢將增後學唾掌之勤謹請處分

美平五年八月廿五日

從五位後章博士兼紀伊介大江朝臣維時

從五位守左弁兼後章博士大江朝臣綱

大納言藤原朝臣扶幹宣奉勅宜令件直幹奉方略試者

類聚不宣抄第九

同七年十二月十一日少外記三統公忠奉

請殊蒙 宣旨令奉方略試近江權大掾正六位

上大江朝臣重光狀

右重光從四位下行式部大甫兼東宮學士維時朝臣之男也從文章生被拜當官為遂射鵠之功不赴司馬之任方今編抄勤成照松學進筆硯在續應二陸之才弓裘當仁堪四三代之業望請 天慈殊降 宣旨將參於旁求之選令奉件方略之試仍錄事狀謹請 處分

天慶九年二月廿一日

左少弁正五位兼行文章博士備後權守菅原朝臣躬

正五位式部少甫兼文章博士伊豫權父紀朝臣在昌

右大臣宣奉 勅宜令件重光奉方略試者

天慶九年四月十九日少外記三國千挂奉

仰式部少錄賀陽真正了

請蒙 天裁令奉方略試紀伊掾正六位上藤原

朝臣後生狀

右後生故右大弁從四位下佐世朝臣孫式部少甫正五位下文貞男也學承二葉染儒林拔萃之風運待千年逢聖代求材之日仍同房儒士等請令獻策

類聚不宣抄第九

之狀去天曆元年十一月具注事由奏聞既訖而天
裁未下歲序頻移方今後生業企冀衰齡過了壯若
不期射鵠之藝長應墜食鷄之勤望請曰准先例被
賜宣旨令繼家業謹請處分

天曆四年四月十四日

從五位行文章博士兼伊豫權及橘朝臣直幹

左大臣宣奉

勅宜令件後生奉方略試者

同年十二月廿六日權少外記春道有方奉

請被特蒙天裁以男忠輔補文章得業生管原

資忠課試替狀

右謹檢案內文章得業生課試之後不待評判以給
穀倉院新學生被補其替先例已存方今忠輔去康
保元年被給件新螢雪之勤五年于茲抑依同日宣
旨給學問新者是久三統萬信也爰忠輔寮試及第
萬信未奉件試採用之間何無優省加之先皇被下
宣旨之時先以忠輔御定已了今一人新下定之後
被加萬信雖誠同日之宣旨豈無綸言之先後忠
輔研精不倦下惟弥深每見希驥之情難堪舐犢之
思望請特蒙天裁早以忠輔被補資忠之替將傳

資忠課試替狀

累代之業國光誠惶誠恐謹言

安和元年十月九日從四位上行近江守藤原朝國光

右大臣宣奉勅以學生藤原忠輔可補文章得業

生資忠課試替之狀宜仰式部省者

同年十二月廿五日大外記大藏弼邦奉

問者

少外記嶋田良臣仰云右大臣宣尾張掾滋野良幹

方略之試宜令大内記都宿祢良香問之

貞觀十五年五月廿七日少錄山口岑世奉

少輔正五位下菅原朝臣道一傳宣右大臣宣奉

勅散位三統理平方略試宜令大亟藤原春海問者

寬平三年七月廿一日少錄阿保連扶奉

為後鑒自式部省令進之

左大臣宣宣令左少弁橘朝臣公材問散位大江千

古方略之策者

延喜元年八月五日勘解由管兼大外記大藏朝善行奉

即日仰式部大錄阿保連扶了

左大臣宣宣令式部少丞平篤行問文章得業生紀

淋望方略之策者

延喜元年八月七日勘解由次官兼大外記大藏朝善行奉

類聚不宣抄第九

即日仰式部少錄春江滿行

左大臣宣文章得業生伊豫掾藤原文貞擬令方略策試宜令勘解由次官紀朝臣泚望問之者

延喜七年三月十六日大外記阿刀宿祢春正奉

即日召仰少錄忠宗是貞了

大納言藤原^{忠平}卿宣宜令式部少丞菅原淳茂問文章得業生藤原有聲方略之策者

延喜十一年三月廿日大外記阿刀宿祢春正奉

廿二日仰少錄忠宗是貞了

備前掾藤原在禰

右大臣^{忠平}宣奉勅宜令件在禰奉方略試者

延喜十七年十一月廿三日大外記伴宿祢久永奉

同月廿五日仰式部少錄并原好風了

左大臣^{忠平}宣宜令民部大南藤原博文朝臣問文章得

業生紀在昌方略之策者

延長六年三月廿日大外記伴宿祢久永奉

左大臣^{忠平}宣宜令式部大丞菅原在躬問文章得業生藤原經臣方略之策者

同美平二年八月廿四日大外記嶋田公鑒奉

同廿五日召仰大録吉志公忠

左大臣宣宜令備後權守菅原朝臣在躬問文章得業生三統元夏方略之策者

承平七年二月廿九日大外記菅野朝臣清方奉

同日仰大録葛井清鑿了

左大臣宣宜令大内記橘朝臣直幹問文章得業生藤原國光方略之試者

天慶六年二月七日大外記兼信濃權介三統宿祢急奉

同日召仰式部大録小間有澄了

右大臣宣宜令左少并兼文章博士備後權守菅原

朝臣在躬問近江權大掾大江重光方略之試者

天慶九年九月十五日少外記出雲有時奉

即日召仰式部少録長廣兼了

左大臣宣宜令文章博士橘朝臣直幹問文章得業生大江澄明方略之試者

天曆三年五月一日少外記菅野正統奉

即仰式部大録長廣兼了

左大臣宣宜令式部少丞菅原輔正問文章得業生紀伊輔方略之策者

天曆十一年八月六日大外記御船宿祢傳説奉

文章得業生正位美濃權少掾原朝資忠誠惶誠恐謹言
請被下宣旨裁給問者課試狀

右去月十九日依文章博士等舉奏被下可課試之
宣旨已了式部大輔大江重光朝臣當其問者而忽
有被召問不能從公務傍省官等共是同房儒者不
可為問者矣欲待彼勘問之定難知其遲速之期若
延日月可及短晷謹檢故實省官有障之時依宣旨
召他儒為問者例蹤跡已存望請 天恩曰准先例
被下宣旨裁給問者將露鳳詔之露早泝龍門之
波資忠誠惶誠恐謹言

康保五年冷泉七月十四日文章得業生正位美濃權少掾原朝資忠

中納言橘朝臣好古宣宜令勘解由次官紀朝臣伊
輔問中文章得業生菅原資忠方略之策者
同年八月五日權少外記鴨連量奉

策判

大外記三統理平愁狀一卷申請被改判對策以

右被左大臣宣稱奉勅件愁狀宜下問頭博士前

下野守藤原朝臣春海令覆勘勘申者

昌泰二年六月十七日勘解由次官兼外記大藏朝善行奉
即日召春海朝臣給件愁狀訖

類聚符宣少第乙

類聚卷之宣抄第九

十三

左大臣宣奉 勅少内記藤原博文請蒙改定對策判之申文召給問頭博士令勘申者

延喜五年十一月三日少外記紀延年奉

件申文同日召給文章博士三善清行朝臣了

左大臣宣奉 勅文章得業生菅原資忠策文并擬

文章生試詩等所納式部省厨子去十月廿六日夜

為盜人有被打破之聽曰茲召問省官之日所進日

記云雖打破厨子所納策文試詩先日所加監試官

人署封各不相誤者宜依例令評定者

安和元年十一月十七日少外記坂上望城奉

文章生試

文章朝臣長老 藤原朝臣有風

同興範 土師連胤

惟良高望

右大臣宣件長老等五人宜令預春文章生之試

貞觀八年閏正月十五日少丞藤原善友奉

正六位下清原真人善胤

蔭孫從八位上藤原朝臣有風

少輔從五位上高向朝臣公輔傳宣中納言從三位

藤原朝臣基經宣件等人宜預文章生之試者

類聚卷之宣抄第九

十三

貞觀十一年十月廿八日大錄高村忠雄奉

學生高向利恒

大輔從四位下橘朝臣廣相傳宣右大臣宣奉基經勅

件人宜預文章生之試者

元慶二年二月十九日大錄大和宮雄奉

學生大初位下大江朝臣南紀

中納言從三位藤原朝臣山陰宣奉勅件人宜仰

式部省令奉文章生試者

仁和二年十月十九日少外記紀有世奉

從八位下秦忌寸基貞

中納言源朝臣昇宣奉勅件基貞宜預試擬文章

生之例

延喜九年五月八日大外記阿刀宿祢春正奉

即仰少錄安野逸羣

被右大臣宣傳忠平今月廿八日可行幸朱雀院下須以彼

日令召候文人對策家諸儒并文章得業生文章生

及擬文章生等者

延喜十六年九月廿七日少外記和利親奉

學生藤原尹甫

右大臣宣奉勅件人令奉文章生試者

延喜廿二年八月廿一日少外記笠治道奉

學生藤原尹甫

右左大臣宣奉^{忠平}勅件人令奉文章生試者

延長二年五月二日大外記伴宿祢久永奉

學生蔭子從八位下攝朝臣保輔

右左大臣宣奉勅件人宜令奉文章生試者

延長三年三月廿四日勘解官兼大外記伴宿祢久永奉

蔭子從七位上三統宿祢元夏

右左大臣宣奉勅件人宜仰式部省令奉文章生

試者

延長七年八月廿一日勘解官兼大外記伊權伴宿祢永奉

學生蔭孫菅原庶幾

蔭孫平真材

右左大臣宣奉^{忠平}勅件人等宜令奉文章生試者

承平元年十月廿五日大外記伴宿祢久永奉

學生蔭子正六位上藤原朝臣尹風

右大納言藤原朝臣恒佐宣奉勅件人宜仰式部

省令奉文章生試者

承平五年六月十三日少外記内藏惟直奉

學生正六位上藤原朝臣尹風

類聚宣奉

廿五

右中納言藤原朝臣扶幹宣奉 勅件人宜仰式部

省令奉文章生試者 三日七月廿八日少外記多治實相奉

承平五年八月廿八日少外記多治實相奉

學生藤原方賴 同西生

右中納言平朝臣伊望宣奉 勅件方賴等宜仰式

部省令奉文章生試者

承平七年五月廿八日少外記三統公忠奉

學生藤原西生

右大納言平朝臣伊望宣奉 勅件人宜仰式部省

令奉文章生之試者

天慶二年六月三日大外記三統宿祢公忠奉

同日召式部大録葛井清鑿仰了

學生蔭子從六位上橘朝臣仲速

蔭孫正六位上藤原朝臣有章

右大納言藤原朝臣實賴宣奉 勅件人等宜仰式

部省令奉文章生試者

天慶四年四月廿七日外記信濃權介三統宿祢公忠奉

同日召仰式部少録長統忠臣

學生藤原致忠 源清時

高階成忠

類聚宣旨少第

右中納言兼陸奥出羽按察使藤原朝臣在衡宣奉
勅件人等宜仰式部省令奉文章生之試者

天曆二年六月十三日少外記菅乃正統奉

即日召仰式部大録長廣兼了

式部大甫大江維時朝臣 左中并大江朝綱朝臣

民部大甫紀在昌朝臣 式部權奮菅原在躬朝臣

文章博士橘朝臣直幹 式部少甫三善朝臣文明

大學頭橘朝臣敏通

右左大臣宣件等實賴人今日令候陣頭者

天曆二年七月七日少外記菅野正統奉

為被問定擬文章生詩所召也

學生二世保光王 蔭子源清時

右左大臣宣奉 勅件等人宜仰式部省令奉文章

生試者

天曆二年八月廿七日大外記兼備中權介三統宿禰忠奉

同日召仰大録長廣兼

學生三善道統

右大臣宣奉師輔 勅件道統宜仰式部省令奉文章

生試者

天曆七年十月二日少外記御船傳説奉

頭聚守宣少第九

一八

學生藤原泚遠

藤原雅材

右左大臣宣奉

勅件泚遠等宜仰式部省令奉文

章生試者

天曆九年六月廿六日少外記安倍衆与奉

學生蔭子藤原中輔

右中納言藤原在衡宣奉 勅件人宜仰式部省令

奉文章生試者

天德二年五月十七日大外記國公真奉

學生二世行正王

蔭子藤原行葛

右大納言源朝臣高明宣奉 勅件人宜仰式部

省令奉文章生試者

天德四年八月廿七日少外記海正澄奉

學生蔭子藤原公方 藤原共政

右權大納言藤原朝臣師尹宣奉 勅件人等宜仰

式部省令奉文章生試者

應和二年五月廿九日少外記笠朝望奉

評定擬文章生課試以犯病者預及第列急狀

右去五月廿七日課試同七月廿日判定偏依有先

例為優窮老十上之輩不求其犯病載申別判及第

之列而今公家被勘當乖違道理之由無所避申仍

進過狀謹解

應和三年八月一日

卷河權守從五位下紀朝臣伊輔

從五位下行大内記高階

從五位行式部兼文章博士美濃及藤原朝後生

從五位行權左并兼式部權弁藤原朝臣國光

從五位行權弁并兼式部權弁藤原朝臣直幹

學生二世信正王

蔭孫平美信

大納言兼中宮大夫源高明宣奉

勅件等人宜仰

式部省令奉文章生試者

應和二年閏十二月廿六日外記實賴稅權助備後介御船楯傳說奉

左大臣宣奉

勅今月廿三日可有行幸朱雀院

博士以下擬文章生以上可候彼院又學生二世信

正王蔭孫平美信等先日蒙登省宣旨之者同可令

候者

康保二年十月廿一日外記稅權助備後御船楯傳說奉

學生藤原嘉時

平敦孝

藤原惟賢

右左大臣宣奉

勅件等人宜仰式部省令奉文章

生試者

康保五年六月十三日少外記大藏弼邦奉

右大臣宣奉 勅去六月十三日省試式部大甫大
 江重光朝臣令 奏聞其題云米草生郊以農為韻
 五言十二韻者即勅定仰下了而學生等所進之詩
 以勛為韻五言十六韻云々爰以農字改勛字替十
 二韻成十六韻之由令辨申之日所進申文之旨與彼
 日令 奏之詞其韻相異其旨不同仍雖令進其由
 過狀左右遁避徒過多日須停釐務之由旨仰本省
 者

康保三年七月廿五日大外記管乃朝臣正統奉
 右大臣宣奉 勅去六月十三日省試式部大輔大

江重光朝臣令奏其題之後暗增韻數爰改韻字事
 乖 綸旨理豈然乎曰茲令進過狀之日頻稱故障
 空送多日仍停釐務之由以去月廿五日宣旨已了
 今須仰權大甫管原文時朝臣早令開見彼詩兼與
 諸儒依例評定者

康保五年八月五日大外記管乃朝臣正統奉
 右大臣宣奉 勅式部大甫大江重光朝臣依去六
 月十三日文章生試題失錯令進過狀之日左右遁
 而不進仍停釐務已了重令勘問之間遂以進過狀
 今須殊准寬典可預釐務之由宜仰彼省者

今安和元年九月十四日大外記管乃朝臣正統奉

明經准得業生試預食口學生附出問者生課試附出

且美努連清名年十六

右人故明經得業生全人之男也早亡其父單子獨

共被左大臣宣傳宜仰大學寮准都朝範預食口者

論和十四年正月廿九日大外記朝原良道奉

同日仰大學少屬丈部宮成了

蔭孫都宿祢文憲年廿

右人故少外記廣田麻呂之男也被大納言藤原朝

臣良房宣傳宜仰大學寮令完食習學者

兼和十四年六月九日大外記朝原良道奉

學生正六位上十市宿祢致明

讀古文孝經春秋穀梁傳

助教從五位上兼美濃介時原朝臣長列弟子

右致明時習創業日知足才空執強立之勤頻漏大

成之選謹檢先例蒙宣旨成大業之者其徒已多

近則故博士秦維興直講宗岳忠行博士有象等依

博士善洲愛成八多貞純山邊脩道等獨舉皆蒙

恩宣得成大業致明已蒙宣旨習學天文又依

宣旨為講日本紀尚復一身所職兩役相兼望請

類聚不宣抄第...

二十二

天恩被 宣旨准得業生令遂課試

康保四年八月廿一日從五位行助教兼義濃權將原朝壽

從五位行助教兼義濃權將原朝壽

正二位行大納言兼右近衛大將皇太弟傳陸奧出

羽按察使藤原朝臣師尹宣奉 勅件致明宜仰式

部省准得業生令課試者

同年十二月四日少外記大藏弼邦奉

應准得業生令課試明經學生從七位上藤原朝

臣右賢事

右從五位上守刑部大甫兼行博士紀伊權守十市

宿祿有象解備右賢遊藝年久替古日新空朶強立

之才未遂大成之志謹檢先例蒙 宣旨成大業之

輩小野當岑依博士大春日雄繼之獨舉秦維興依

博士善洲愛成之獨舉宗岳忠行依博士八多貞純

之獨舉有象依博士山邊脩道之獨舉皆蒙 宣旨

得成大業助教以下專無獨舉之例抑天曆以來蒙

此宣旨先朝時原長列當時十市致明也伏檢紀傳

道例一代蒙此宣旨天慶御時橘直幹大江重光先

朝藤原後生高階成忠等是也又檢明法道之例先

朝檜前春風當時宮道堯時惟宗允正忽是也小道

類聚不宣抄第...

二十二

已有兩人之例根本之道何無朝恩望請天恩依
兩道例殊蒙宣旨准得業生令遂大成者權左中并
藤原朝臣為輔傳宣中納言藤原朝臣兼家宣奉
勅依請者

安和二年八月十一日左少史伴保在奉

太政官符式部省

應以捌條為限通伍已上為及第明經問者生課
試事

右得正五位下行大外記兼博士主稅助播磨介中
原朝臣致時等去七月廿日奏狀備謹檢案内今條

所載學生四百人者是明經之生徒也雖云各積
輒之勤同企拾芥之思然猶得業生四人之外又曾
無立身之階繇是遂古以來依道之選舉任氏之貴
賤每年必二三人拜諸司二三分爰源雅行永觀二
年二月任主殿允息長國望寬和元年十一月任刑
部錄之後汗渙之恩久隔沉潛之歎弥深是故或拋
本業而赴末學或忘大成以就少藝重膺儒士之子
孫倦箕裘而長退累葉故人之流嗣泣洙泗而空歸
道之陵遲職此之由何況春秋釋奠明獻惟嚴移唐
家之儀整廟堂之禮明經道之寂也而奠祭之場樽

節之士已稀。口問之席折。疑之徒猶乏。將聖之道恐殆。荒墮方今。為令勸勵生徒。申置件問者。生然而稱共昇。晉之定準。未嗜鄒魯之薦學。非開鴻漸之路。何繫。趨退之心。仍申請試條之日。依宣旨。諸卿定申。先了未蒙裁許之間。仕進之思。弥屈望殊。蒙天恩被下。宣旨件問者。生試三箇條。隨其及第。將關官班。彼不經課試。而給舉者。已有拜除之例。况將及科。而兼理者。尤當採擇之仁。但至于試條一日之內。令畢三條。然則周年多士之謠。更扇明時之風。漢日得人之頌。又起聖代之化者。右大臣^{道長}宣奉。勅依請。宜以捌條。

為限通伍已上及第者。省且兼知。依宣行之符到奉行。

右兵衛督^位兼權左大臣^兼權亮源朝^{扶義} 外從五位^上安史小槻宿禰

長德元年八月十九日

明法得業生試

明法得業生從八位上善道朝臣維則解申請 官裁事

請依先例被賜試博士遂課試之狀

右維則依年限滿博士貢舉可課試之狀。謹檢式條。試雜生必須證師者。而今在任博士二貢就中一人相隱之親也。曰之不能相引。望請 官裁依先例被

賜試博士將遂課試謹言

延喜^{長元}三年二月十九日明法得業生從位上善道朝羅

右大臣^{忠平}宣宜以右衛門權少志惟宗公方為^中試明法得業生善道維則之博士者

同月廿四日大外記伴宿祢久永奉

明法得業生山文宗恐惶謹言

請殊蒙 鴻恩早被恤下宣旨課試愁狀

右文宗去兼平三年被補件職今年適待得其年限仍去正月十日貢舉可課試之由二月廿一日可課試官符下省先了謹檢先例博士二負相具有試而

今見任博士一人至于有闕申請博士奉試有例曰

茲給件博士可課試解文去二月廿八日進官然而

宣旨于今未下年漸過半空送多月愁歎之甚日夜

難休望請殊蒙 鴻恩早被恤下宣旨將遂課試不

堪懇切文宗恐惶謹言

天慶二年七月十九日明法得業生山文宗

從三位守大納言兼行民部卿中宮大夫平朝臣伊

望宣宜以左衛門少志惟宗公平為^中試明法得業生

山文宗之博士者

天慶二年閏七月廿一日大外記三統宿祢公忠奉

類聚不宣抄第九

二十一

明法得業生從八位上惟宗朝臣致明解申請官裁事
請被給博士奉試之狀

右謹檢案内奉試之日博士二員相備有試而見任
博士一人依為親父有妨相備望請大官裁被給博
士將遂課試仍錄事狀謹解

天曆十年八月十七日明法得業生惟宗朝臣致明

中納言正三位兼行民部卿藤原朝臣在衡宣奉
勅宜以少判事小野傳說為試明法得業生惟宗致
明之博士者

天德元年十二月三日大外記御船宿祢傳說奉

明法得業生從七位下櫻井宿祢守明解申請官裁事
大請被依例蒙宣旨給試博士奉試狀

右守明去天慶九年被補得業生年限既來有妨奉
試何者二員博士一員為守明之親父一員遷官其
替未任然則無有證師及試博士謹檢式部省式云
試雜生者必須證師若無其人遂應致妨一官獨試
又云試雜生涉月經年無有程限自今以後若過限
者除先試條更始為試又云今案試雜生十二箇月
為限者依此等文或無證師者一官獨可課試若過
限者責在奉試之人望請依例蒙宣旨以成業左

少史山文宗被給試博士將奉試仍錄事狀請官裁
謹解

天曆六年二月廿一日明法得業生從位櫻井宿祢守明
中納言從三位兼行陸奥出羽按察使藤原朝臣在
衡宣宜以下少史山文宗為試明法得業生櫻井守
明之博士者

同年三月七日大外記多治真人實相奉
同月八日仰左少史文宗并式部大錄長廣兼了
太政官符式部省
應課試明法得業生正六位上惟宗朝臣輔政事

讀書二部

令一部

律一部

故博士正五位下公方孫

右得彼省去六月廿七日解備大學寮今月廿日解
備博士正六位上美麻那宿祢直節等牒備件人學
業既長才堪課試仍貢舉者寮依牒狀申送者省依
解狀申送如件者正三位行中納言源朝臣保光宣
依請者省宜承知依宣行之符到奉行
權左中^{忠輔}弁^{忠輔} 右大史

永祚二年三月五日

竿得業生試

主計少屬惟宗有尚

右大臣宣旨有尚宜為試竿得業生史戶忠則秦春

樹等之博士者

延喜廿二年四月廿二日大外記伴宿祢久永奉

兵部少錄史戶忠則

右左大臣宣旨以件人為試竿得業生大藏禮數小

槻茂貫等博士者

延長七年四月十七日大外記伴宿祢久永奉

主稅少屬秦春樹

右左大臣宣旨以件人為試竿得業生大藏禮數小

槻茂貫等博士者

延長七年十一月十七日勘解由管兼外記紀律權伴宿祢久永奉

竿得業生大藏師傅等解申請官裁事

請被回准先例以主計權少屬九河内良尚下台

博士宣旨遂課試狀

右師傅等去天慶二年被補得業生研精之勞七年

于茲應課試官符今月廿三日被下式部省謹按案

内道博士一負去年七月闕然則博士不備難候試

場望請官裁同道成業之者以主計權少屬允河
內良尚被下台博士宣旨將遂課試仍錄事狀謹
解

天慶八年二月廿七日竿得業生秦忠重

竿得業生大藏師傅

中納言從三位藤原朝臣元方宣宜以主計權少屬

允河內良尚為試竿得業生大藏師傅秦忠重等之

博士者

天慶八年三月廿二日權少外記三國千桂奉

修理少屬正六位上小槻茂助誠惶誠恐謹言

請被下宣旨監試竿得業生大藏師傅秦忠重

右茂助依竿道成業之勞去天慶六年被拜當職今

件師傅等自今年可涉試場而道博士二員中自去

年八月其一員關其爰師傅等以主計權少屬允河

內良尚申下試博士之上宣謹撫案內課試之例嚴

重為先回茲以教授之師未曾為問頭之儒皆避同

門之忌互涉試場者也若博士等中一人有關則以

道成業輩無其忌之人請申試博士為例而今博士

大藏禮數與主計屬良尚從父兄弟也禮數良尚等

又並為得業生師傅從父兄弟也又秦忠重是禮數

之後子也然則件等四人俱出一家或為近親或為
曰緣至于奉試之日誰為問頭誰為證者凡諸道得
業生等奉試之時所以別其師儒者為絕登科之疑
也况於近親盍避其忌乎而禮數等四人同心擬涉
試場事之違例還似輕忽望請特蒙 天裁被下試
博士之 宣告將遂監試茂助誠恐誠惶謹言

天慶八年四月十一日修理少屬正下小槻宿祢茂助
被右大臣實賴宣稱以主計少屬凡河内良尚可為試竿
得業生大藏師傅秦忠重等博士宣告今年三月廿
二日下先了宜停彼良尚以修理少屬小槻茂助為

試件師傅等博士者

同年十月四日大外記兼近江權掾統宿祢公忠奉

不堪參預試場狀

右謹檢案内得業生凡河内良玄小槻陳群等年限
已滿課試之官符下式部省已了系平謹須依例參
預試場而陳群是系平之男也凡博士二人全備其
負之時避父子之忌以成業者中無忌之人申下宣
旨先例已存爰博士大藏宿祢禮數去正月中卒去
未任其替然則系平有父子忌之内久煩脚病進退
失據儀式之間恐致失禮方今主計權少允凡河内

良尚修理大属小槻茂助皆是成業之者也望請曰
准前例以件良尚茂助等被下宣旨將為試得業生
等之博士謹言

天曆八年六月十九日主統額從位兼衛博士後權小槻宿禰

左大臣實類宣有父子忌之内依有身病不堪參預者以
件等人可為試博士之由宜仰式部省者仰大録長
廣無了

天曆八年六月廿六日少外記御船傳說奉

請以成業主統少允大藏具傳為試得業生小槻

陳羣博士狀

右去天曆八年六月廿六日 宣旨仰主計權少允

凡河内良尚修理大属小槻茂助宜為試得業生
凡河内良玄小槻陳群之博士者仍良玄課試已了
爰陳群登省六箇度其遺條未究而良尚就諸國調
庸率分并大炊察納年新米誤事依官宣進過狀之
間今年已暮遺日不幾望請被下 宣旨以件具傳
為試博士將今究遺條謹言

天曆十年十二月十九日主統額從位兼衛博士小槻宿禰平

左大臣宣仰以件良尚可為試陳群等博士之由下
宣旨先了而良尚依公事之怠進過狀之後不遂課
試歲將暮矣者宜停彼良尚以件具傳可為試陳群

之博士者

同日廿三日大外記御船宿祢傳說奉

請以成業兵部少錄小槻宿祢陳群為試得業生

小槻惟信之博士狀

右謹檢業內惟信年限自滿課試之期已到系平謹

須依例參預試場而脚病殊重進退不調儀式之處

恐致失禮望請被下宣旨以件陳群為試得業生惟

信之博士

康保三年八月二日主計顯從位兼學博士小槻宿祢系平

左大臣宣旨以兵部少錄小槻陳群為試得業生

小槻惟信之博士者

同月十八日大外記物部安親奉

式部省

勘竿生并他道學生准得業生課試例事

右竿生准得業生課試之例須就宣旨正文勘申而

史生掠橋部文通為文殿預之間如此文薄多以紛

失其由度々勘申先了但去天慶三年十二月三日

勘申留案之右大臣貞觀七年四月七日宣奉勅竿

生大宅淨統宜准得業生令課試者又大納言藤原

基經卿同十二年八月一日宣奉勅竿生小槻在

雄宜准得業生令課試者又明經學生添嶋長列天
曆四年二月十一日下准得業生可課試宣旨十市
有象承平元年十二月廿七日下准得業生可課試
宣旨即件長列有象寺二人有宣旨正文仍勘如件
康保四年十月廿七日少錄坂本高直

少丞藤原弘賴

竿道

請_下日脩先例并他道准得業生令課試學生從八
位上早部宿祢保賴狀_上

讀書

九章一部 海嶋一卷 周髀一部 五曹一部

九司一部 孫子一部 三開一部 孫子八五

主計助正六位上兼行博士越前權奄太藏宿祢具傳厚子

右保賴在學年久徒益強立之才攻堅日新未遂大
成之志謹檢先例別蒙宣旨成大業者非無前跡
近則小槻在雄是也况乎他道之例不可勝計望請
殊蒙宣旨日脩件例准得業生令遂執業

康保四年十月廿七日

主計助正六位上兼行博士越前權大目大藏宿祢具傳

正五位下行主計頭兼博士小槻宿祢系平

從二位行大納言兼民部卿藤原朝臣在衡宣奉

勅件保賴宜仰式部省准得業生今課試者

康保四年十二月廿七日大外記管乃朝臣正統奉

右中弁大江朝臣齊光傳宣右大臣宣奉勅竿生

若江為範宜待得業生大藏國實課試及第替補者

安和二年二月十六日左少史吉志公胤奉

醫生試試博士附出

醫生曰了紀朝臣有行

右中納言從三位藤原朝臣山陰宣奉勅件人宜

仰式部省令准針生課試之者

仁和三年二月十日少外記紀有世奉

仰少錄時原利行

左近衛醫師時原興宗

左大臣宣件人宜令為試彼道學生之博士者

延喜五年七月五日少外記紀延年奉

同月七日召仰式部少錄忠宗是貞了

請給宣旨以左近醫師從六位上宮宿祢春來

預召博士課試學生等狀

右謹案先例醫道兩門各遙課試方今典藥頭管原

朝臣行貞門徒權醫博士深根輔仁召博士侍醫管

原朝臣道數興宗門徒權針博士宮宿祢忠來無_二以
博士爰今年可課試者得業生三人醫生八人也而
興宗經營堂書療治之事不違恭省望請以春來預
召博士令課試件等輩仍注事狀謹請_二處分

延長三年二月一日

外從五位下權針博士宮宿祢忠來

從五位下侍醫兼醫博士備後權及時原朝興宗

左大臣宣_{忠平}宜_下以左近衛醫師宮春來為_中試彼道學生
等博士者_上

同年三月七日大外記伴宿祢久永奉

右兵衛醫師管原茂滋

右左大臣宣_{忠平}宜_下以件茂滋為_中試醫道學生等博士者_上

延長八年六月廿六日大外記伴宿祢久永奉

請令依先例蒙_二宣旨以左衛門醫師正六位上

管原朝臣為名為試博士課試生徒狀_上

右謹檢先例道分兩門課試生徒爰忠來之門徒有
道維材并試博士侍醫和時雨等四人故權針博士
管原茂滋門徒侍醫管原行仁一人為試博士而茂
滋卒去之後彼門徒無博士難課試生徒徒之數
莫不日斯加以檢年來之例兩門之博士難備其負

諸衛醫師出身成業者之中簡定其人殊申下宣旨
為試博士其來尚矣方今為名才用超等備倫尤堪
為博士望請依例蒙宣旨以件為名為試博士令
課試生徒仍錄事狀謹請處分

天曆元年五月四日從五位權兼權博士尾張時原朝維材

從五位權兼針博士能登權伴齋有道

從五位醫師士兼備後介宮宿禰來

右大臣宣旨以左衛門醫師菅原為名為試彼道學生
等博士者

天曆元年六月一日大外記賀茂安國奉

同日召仰式部大錄長廣兼了

正三位行中納言藤原朝臣師氏宣奉勅以左近

衛醫師河內博遠宜為試醫得業生醫針生等博士

康保三年正月五日大丞兼近江權少掾紀久利奉

天文得業生事

太政官符式部省外諸道得業生

應補天文得業生從八位上安倍朝臣吉昌事

讀書

三家薄讚壹部新晉書志壹卷

觀星貳拾捌宿

類聚新定抄

三十七

右得中務省去八月十九日解備陰陽寮解備正五位下行主計頭兼天文博士賀茂朝臣保憲牒狀備件吉昌情操聰敏勤學匪懈望請補得業生竹野親當滿九年替令遂其業者察依牒狀申送者省依解狀申送如件者從二位行大納言兼皇太子傳侍從源朝臣兼明宣依請者省宜兼知依宣行之符到奉行

左中^{為光}并^{為光}左少史主醫檢主兼對士

天祿元年十一月八日宣奉

進天文奏人事

左大并藤原朝原邦基傳宣左大臣^{忠平}宣奉 勅以助教從五位下十市部良佐宜令進天文奏者

延長八年七月廿四日左大史錦部宿祢春蔭奉

右少并藤原朝臣資業傳宣權中納言源朝臣經房宣奉 勅以主計頭從四位下安倍朝臣吉平宜令進天文奏者

寬仁三年六月九日左大史小槻宿祢真行奉

類聚新定抄

三十八

保安二年七月十四日酉時書了

于時終日雨降

同十五日卯時見合了

宣奉... 候御願所人... 候撰式所人... 候大歌所人... 候作物所人... 候勘勳功所人... 候實錄大藏御書所人... 諸使等... 賜身假人

類聚符宣抄第十

可賜上日人... 五位已上... 候一院人

候内記所人

候撰國史所人

候御書所人

大舍人為内豎

候侍從厨人

候實錄大藏御書所人

諸使等

賜身假人

臨時被召仕人

五位已上朝參上日

所々寄人等上日
臨時使上日附出

五位已上上日事

右右大臣繼繩宣太政官所送五位已上上日自今以後

宜通計内裏上日勿三独點朝座上日而已即日面召

藤原友人
宣告了

延曆十一年十月廿七日

一五位已上朝參上日自今以後宜式部兵部二省
依例勘錄即各次省更不煩申

一親王雖不就朝座猶給上日

一觀察使已上上日宜每月奏聞

右大臣内唐宣奉 勅如件

大同四年正月十一日

權中納言藤原朝臣兼房宣奉 勅大納言藤原朝臣三守雖

身不參猶賜上日不可更收假文者

承和二年四月廿五日少外記秋篠朝臣五百河奉

權中納言藤原朝臣宣大納言藤原朝臣上日者改

四月廿五日宣旨計恭日給但不收假文尚同先宣

旨者

永和二年 月 日 破失

上宣承前月休日雖不恭猶給上日而自去大同四年不聽給之宜自今以後依舊行之

弘仁二年六月廿日少外記大春日朝臣款雄奉

去大同元年十月廿九日上宣偁恭議已上不著廳

坐雖侍內裏莫給上日者而頃年之間漏此宣旨依

去延曆十一年十月廿七日宣旨通計內裏上日行

之今被大納言正三位清原夏野卿宣備見大同元年宣

旨有理遵行自今以後須就行事侍候內裏隨以行

之唯無行事者依大同宣旨行之

天長九年三月廿一日大外記嶋田朝臣清田奉

一院

大納言藤原良房卿宣奉 勅春宮坊大夫安倍朝臣諒

闇之間令侍差我院上日准見上之例給者

承和九年九月十七日少外記名草安成奉

式部少錄時原利行

大藏少錄大原氏雄

右大納言兼右良世大將宣件等人宜奉向二條院者

仁和元年十二月十日少外記菅原宗岳奉

仰式部少錄善洲邦彦大藏少錄秦廣瀧等了

内舎人良岑清幹

中納言從三位兼行左衛門督藤原朝臣清貫宣奉
勅件人宜令候亭子院者

延喜廿年正月廿六日大外記伴宿祢久永奉

同月廿七日仰中務少録中臣園繼了

内舎人百濟貞運

右大臣宣奉 勅宜令待亭子院者

延長元年十二月十二日大外記伴宿祢久永奉

同日召仰中務大録少事安野

内舎人宮道陳平

右左大臣宣奉 勅件人身侍陽成院宜准見仕令

給上日者

延長五年十二月廿九日大外記伴宿祢久永奉

内記所

被左大臣宣稱史生佐伯音行令書位記間宜令直

内記所者

延長八年十一月十五日大外記伴宿祢久永奉

史生文部正茂

右大納言藤原朝臣師輔宣件人宜差遣内記所令

書位記小書者

天慶九年五月三日權少外記出雲有時奉

史生秦安平實賴同是真

右左大臣宣能書史生二人宜差遣内記所令書諸中

神位記目錄等者上

天曆六年五月七日少外記文武並奉

御願所大臣家寫經附出

右大臣宣奉常勅右大弁和氣朝臣真繩隨叅給日又直

造大井寺所之日同准見叅者

承和十年正月廿七日大外記名草安成奉

大納言民部卿藤原朝臣清貫宣偁上叟使檜前貞

則奉仕東大寺造佛所之間宜准見仕從今月給當中

番上日者上

延長七年三月十六日少外記春洲良規奉

奉造醍醐寺御佛行事所

上召使檜前貞則上日六十一

右自去七月十五日至九月十七日奉造御佛所奉

仕漆工之間上日如件

承平元年九月廿五日修理大進林康恒

主殿頭藤原朝臣良柯

中納言藤原朝臣恒佐宣宜追給件上日者

同年十二月七日大外記朝原三行奉

中納言藤原師尹卿宣史生美努真香來月許宜令
候朱雀院御經所但准見仕給上日者

天曆七年三月廿九日少外記文武並奉

中納言藤原在衛卿宣史生美努真香奉仕御經裝

潢宜五箇月間准見仕給上日者

天德四年七月廿五日少外記海正澄奉

史生奈美元護

右大納言藤原師輔卿宣件元護從去四月五日至
于五月廿九日并五十四箇日間候太政大臣家奉

寫大般若金光明經等宜准見仕給上日者

天慶六年八月八日大外記兼近江權掾統宿祢忠奉

撰國史所

史生上毛野有統

右大臣宣宜令件人書國史者

元慶四年二月十六日大外記嶋田良臣奉

大納言正二位兼行右近衛大將藤原朝臣恒佐

中納言從三位兼行民部卿中宮大夫平朝臣伊望

右大納言藤原朝臣恒佐宣奉勅件人等宜為撰

國史所別當者

國史美平六年十一月廿九日少外記三統公忠奉

左少并從五位上兼行文章博士伊豫介大江朝臣朝綱

右大納言藤原朝臣恒佐宣奉 勅件人宜令直撰

國史所者

美平六年十一月廿九日大外記三統公忠奉

右大臣宣史生善友滋賀相宜令直撰國史所者

美平七年十二月廿二日大外記内藏惟直奉

史生奈美元護

左史生勝良成 上藤杖

右大臣宣件等人宜令直撰國史所者

天慶八年九月廿八日大外記兼近權少掾三統宿祢忠奉

太政官

史生從六位下秦部安平

天曆二年六月廿二日

被左大臣宣備件人宜令直撰國史所者

同日正五位下行大外記兼備中權人三統宿祢公忠奉

被左大臣宣備史生美努真香宜令直撰國史所者

天曆七年六月十三日少外記御船傳說奉

叅議備前守大江朝臣朝綱

右左大臣宣奉 勅宜為撰國史所別當者

天曆八年六月廿九日少外記御船傳説奉

被左大臣宣稱奉 勅大外記御船宿祢傳説如舊

宜令直撰國史所者

天曆十年三月九日大外記安倍衆與奉

少監物平季明

越前權少掾清原仲海

右左大臣宣奉 勅件等人能登守藤原朝臣利博

故左少史笠雅望等之替宜令直撰國史所者

天曆十年七月十一日大外記御船宿祢傳説奉

參議從三位兼行式部權大輔大江朝臣維時

右左大臣宣奉 勅件人參議大江朝臣朝綱卒去

之替宜為撰國史所別當者

天德元年十二月廿八日大外記御船宿祢傳説奉

式部大輔從四位下橘朝臣直幹

右左大臣宣奉 勅件人宜令直撰國史所者

天德元年十二月廿八日大外記御船宿祢傳説奉

備後權大管乃朝臣正統 右少史并原連扶

右左大臣宣奉 勅件等人宜令直撰國史所者

應和三年二月十三日大外記兼權助備後御船宿祢傳説奉

史生額田良秀

右美努真香任備中權大目之替

左大臣師尹宣件人宜令直撰國史所者

康保元年八月廿八日大外記兼稅權助備後御船傳說奉

史生肥田維延

右大臣宣件人宜令直撰國史所者

康保五年三月七日大外記管乃朝臣正統奉

右大臣宣左史生大石清廉宜令直撰國史所者

康保五年三月七日大外記管乃朝臣正統奉

被右大臣宣備式部少甫橘朝臣雅文所申國史隨

彼請申宜令出見了之後全可返收者

康保五年四月廿六日大外記管乃朝臣正統奉

大主鈴秦春樹

紀傳學生賀茂光輔

被右大臣師尹宣備奉勅件等人宜令直撰國史所者

安和元年八月廿二日大外記管乃朝臣正統奉

史生日置卿明

右史生額田良秀任讚岐權大目之替

右大臣宣件卿明宜令直撰國史所者

安和二年二月十三日大外記管乃朝臣正統奉

撰式所

少外記小野美實

類聚年定抄卷十

右右大臣宣奉美勅件人宜令直撰式所者

延喜十四年八月廿九日大外記伴久永奉

少外記葛井清明

右右大臣宣奉美勅件人宜令直撰式所者

延喜十八年五月廿五日大外記伴宿祢久永奉

史生日置卿明

右被大納言藤原在衡卿宣傳件人宜令直撰式所者

康保二年六月廿六日少外記物部安親奉

史生日置卿明

從二位行大納言兼民部卿藤原朝臣在衡宣傳件人

直撰式所隨書寫之役暫停於本局以從彼所渡

上日可入月奏者

康保四年八月廿七日權少外記坂上望城奉

左史生大石清廉

右史生村主宗正 五百木部利生

康保四年十月廿二日

被大納言藤原在衡宣傳件清廉等為撰式所書手

不勤其事宜整不可請印俸新官符者

大同宣月廿八日少外記櫻嶋忠信奉

御書所

類聚年定抄卷十

十

左京少屬高橋業利

左大臣宣件人身侍御書所宜准見仕給上日者

延喜七年四月廿日大外記阿刀春正奉

同日召仰大屬阿保久範

式部少錄矢田部公望

右大臣宣奉勅件公望暫止本省直令候御書

所者

延喜廿一年五月十二日少外記嵩田良行奉

史生九部福雄

右大臣宣件人宜令直淳和院御經書所者

元慶三年十一月十四日大外記島田良臣奉

大歌所

右大臣宣奉勅少納言從五位上和氣朝臣彞範

始自今月廿一日迄于節會終日宜令直大歌所者

貞觀十八年十月廿日大外記嶋田朝臣良臣奉

大舍人寮

内裏宣殿上大舍人百廿人自今以後為内豎春宮

坊呂繼者名為舍人

弘仁二年正月五日

作物所

史生淺井清遠

右中納言藤原朝臣在衡宣件人宜令暫直作物所
其間准見仕給上日者實奉

天曆四年七月廿日權少外記春道有方奉

左馬史生矢集春生

右馬史生内則忠

右中納言源高明卿宣件人著作仕中宮御賀物之
間宜令直作物所及除察直日之外准見仕給上日者

天曆七年六月十六日少外記文武並奉

侍從厨

權中納言藤原朝臣宣史生之中簡堪勘勾者一人
十箇日許令勘侍從厨家公文

弘仁十三年正月廿日大外記永世宿祢公足奉

權中納言藤原朝臣宣以史生大藏岡繼暫充勘侍

從厨物所者

弘仁十三年七月廿六日大外記永世宿祢公足奉

勘勲切所

太政官

史生葛原部廣雄

伴 全雄

元慶七年十一月廿六日

右大臣^多宣件等入^宜俾侍勘出羽國勲功所者
同年十二月十日大外記島田惟^口奉
實錄大藏御書所

少外記正六位上多治真人實相^世宣件

右中納言從三位藤原朝臣扶幹宣奉 勅^宜令件

人直實錄大藏省 御書之所者^所宣件

承平五年九月十七日大外記内藏時景^奉

召使日給^令使身直太政官着到散位寮事不穩便

右大臣^宣宣召使身直太政官着到散位寮事不穩便

自今以後^宜依寮申^番名於外記曹司給^其上日番
別下寮又以厨家物給^{冬夏}時服並以為例

弘仁三年十二月十五日少外記大春日朝臣^欽雄^奉

使上日

史生錦部良直

右中納言藤原山陰卿宣件良直就事遣使^宜始自

今日五日^中進給上日者

仁和二年九月廿三日大外記大藏善行^奉

上召使真髮部常雄^{去年十月一日遣使}

右大納言藤原^忠卿宣件入^宜給以往當番上日者

延喜十三年二月廿六日少外記伴父永奉

史生秦興亮

右大臣^光宣件人就事遣播磨國宜准見仕給其上日者

延喜十六年十月廿五日少外記紀延年奉

史生道嶋滋蔭

右大臣^{忠平}宣件滋蔭就事役其身宜准見仕給彼役間

上日百十六日者

延喜十六年正月七日大外記大藏真明奉

上日使長背遠滿

右中納言兼左衛門督藤原定方卿宣稱件人就事

遣使還向之間宜給本番上日者

延喜十六年十月九日少外記小野美實奉

史生巨勢有野

右被大納言正三位兼行左近衛大將皇太子傳陸

奧出羽按察使源朝臣能有宣云件人遣後院使經

使之間給上日者

寬平六年六月廿二日少外記多治宗範奉

史生石上邦雄

被大納言源^{敏有}弼宣云件人遣後院使宜給上日者

寬平七年九月七日少外記多治宗範奉

召使栗田太永

右被^{良世}右大臣宣^{良世}備件人就事遣使宜准見仕給上日

者

寬平八年二月廿五日大外記多治宗範奉

上召使能原恒典

右被中納言藤原扶幹卿宣備件恒典預少事發向

太宰府宜還向之間准見仕給上日者

兼平六年八月廿七日少外記三統公忠奉

史生大私望玄

右中納言藤原師尹卿宣備件人就事遣使宜給八十

四箇日上日者

天曆十年十二月五日大外記安倍衆與奉

史生羨努真香

右大納言藤原^{顯忠}卿宣備件人就事令役其身宜准見仕

給上日者

天德二年五月七日大外記大江遠兼奉

假^上日

上喚使池原安房誠惶誠恐謹言

請被^下特蒙^中鴻恩恤許身假^上之狀

右安房老母居住上野國其齡及八十餘千里之遙

程朝夕養難知望請被恤許身假且訪衰老之母且知奉公之貴安房誠惶誠恐謹言

兼平七年四月十一日上叟使池原安房

被大納言藤原扶幹卿宣備件安房為其母請申身假宜還向之間准見仕給當番上日者

同月廿五日少外記三統公忠奉

臨時上日

史生賀茂祐繼

右被權大納言菅原卿宣云件人就事令役其身宜准見仕給上日者

寬平九年七月十日少外記嶋田房年奉

左大臣宣史生大友廣康就事役其身宜准見仕給上日者

兼平八年二月廿九日大外記菅野朝臣清方奉

保安二年十月廿六日申時書之

即見合了

左大史宣史主大交氣氣... 實平... 十日... 晴... 田... 年...

左兼抄八冊

第十冊之內
第二第五頁

右代々雖令傳領依歷年序每披見弥恐古本之
破損新寫之文字不審等只如形令似之或以朱
加愚意蓋此記者為祢家之秘本於他家所持之
輩一切不聞之由

嚴君之命也曰茲秘而猶不出窓外後葉之外者
輒不披見若後生雖有懇望人深藏管底莫免他借
于時元祿第四辛未閏八月廿七日起筆翌年正月
廿二日書寫比較畢

左大史小槻宿祢

保安年中書寫之由見奧書本之跡頗經彼年代之條無疑者也

右符宣抄八卷於京師得之雖有關卷尤可珍重者也仍校合之次聊加傍注了

文政三年十二月

日檢校保己一

式米林八冊
十卷
二卷
三卷
四卷
五卷
六卷
七卷
八卷
九卷
十卷

